

Mbeti á Polo sù fœ azu Roma Tshatshu o'o

Uzu á tshe sù mbetinœ asœke koedœ Polo. Tshe sù fœ azu Ikrizia 6a lœ ogo Roma koepa fœ endje adœke œne sœ dœ ogo kœro ga ndœ endje mbœrœ koeyisœ Ɔtsho O'o yekane á kœro ga tœ Espane manda nœ. Tshe su mbetinœ ndœ kœza kœru lœsu fœ ayindœ Yisu.

Djakata o'o á tshe su ala mbetinœ asœke koedœ adœke: œdœ Ayuda œdœ angbi azu, endje para kœkœ koedœ aayi koembœrœ ekperœ. Kashe œneke á sœ dœ Ɔtshœnœ koedœ kœguma tshagurutœ endje dœ Ndjaba yé œrœ á guma tshaguru tœ azu dœ Ndjaba koedœ koeyindœ i'iri Yisu.

Polo pa ndje o'o tœ upu nœ awa akwa œdœ pe Ɔtsho Ishiri lœ akwa nœ Kristu. Tshe pa ndje ndœ mara á Ayuda vwaratœ endje tœ Yisu, á Ndjaba kœro awa fœ angbi azu kœgbœ kœshe. Tshe pa ndje o'o tœ mara kœsœ nœ uzu nœ Kristu dœ ayanoœ œdœ pe azu nœ Lita.

Mbetinœ kurutshelœtœ ye atake:

- Ali o'o (1.1-17)
- Uzu li ga lœ ekperœ kashe tshe li koewuta loenœ dœ gbœgbœ nœ ye dœ tœ ye nene (1.18-3.20)
- Kœshe á Ndjaba guma fœ azu (3.21-4.25)
- Tafo kœshe dœ awa nœ Yisu Kristu (5.1-8.38)
- Gbetshelœ nœ Ndjaba tœ upu nœ azu Israyele (9.1-11.36)
- Mara koembœrœtœ nœ azu nœ Kristu (12.1-15.13)
- Ndœngœbœ o'o (15.14-16.27)

Abala

¹ Ēmœ Polo, ayi akwa nœ Yisu Kristu mœ sœ kœsu mbetincœ asœke fœ 'e. Ndjaba e mœ mbœrœ kœdœ ayi avwa yé tshe ke mœ ndœ kœpandœ Ɔtshō O'o nœ ye.

² Ɔtshō O'onœ á Tshe pa lima ndœ nœ lœ awa nœ aayi kœgbara o'o ala œyerœ Buku, ³ tœ upu nœ Gbolo nœ ye, á endje zu she ɓata uzu lœ uwu aata Davidi. ⁴ Á lœ awa nœ Ɔtshō Ɔshiri, Ndjaba she lima she lœ akuzu. Tshe yi lima sœ nœ adœke, tshe kœdœ gbolo nœ œne á tshe sœ dœ gbɔgbɔ waa. ⁵ Dœ awa nœ ye œdœ mbœrœ mokɔ nœ ye dá Ndjaba ma ɔtshō lœsu nœ ye ga ndœ mœ yeka á e mœ adœke mœ te ayi avwa nœ ye, dœ mœ gbara fœ angbi azu kɔ adœke endje sœ dœ kœyindœrœ ga ndœ Yisu Kristu, yé œ dji o'o ama ye. ⁶ E'e ndje, 'e lœ ugurutœ azuncœ ascœmœ mbœrœ á Yisu Kristu e ndje 'e.

⁷ Ga ndœ 'e dœ azu Roma kɔ, Ndjaba yindœ 'e yé tshe e 'e adœke 'e wuta ayerœ azu. Kaka adœke Aba azœ dœ Ndjaba œdœ Gbozu nœ azœ dœ Yisu Kristu ma ɔtshō lœsu nœ endje fœ 'e, yé œ za kœsœ gee fœ 'e.

Polo yindœ kœna kœwu ayindœ Kristu tshelœ Roma

⁸ Utshuncœ kɔ, mœ donga Ndjaba nœ mœ lœ awa nœ Yisu Kristu mbœrœ 'e para kɔkɔ. Gbambancœ nene, tshapashō djigi sœ kœpa o'o tœ upu nœ kœyindœrœ nœ 'e. ⁹ Mœ kœsœ tœ kœyisœ Ɔtshō O'o nœ Gbolo nœ Ndjaba, mœ sœ kœmbœrœ akwa nœ Ndjaba dœ lœsu mœ bale. Yé tshe wusœ nœ adœke mœ sœ tœ kœpa adja o'o, adœke mœ sœ kœgbe dœ

e'e lœ avwala nœ mœ. ¹⁰ ɔlɔ dœ ɔlɔ, mœ sœ kœki fœ Ndjaba adœke œdœ tshe kœyindœ nœ, tshe kærɔ awa fœ mœ dœ mœ wuta ga ndœ 'e. ¹¹ Gbambanœ nene, mœ sœ adja dœ ogo kœwutœ mœ dœ 'e yeka á gbɔgbɔ kœmbœrœ akwa nœ ɔtshɔ ɪshiri kœmatœ ye lœ 'e adœke kœyindœrœ nœ 'e kœgerœ. ¹² Adja mœ yindœ kœna kœwutœ mœ dœ 'e mbœrœ a ngbɔɔa gbetshelœ nœ azœ lœ kœyindœrœ á a sœ dœ tœnœ á kœza gbɔgbɔ fœ azœ kɔ.

¹³ Aaya mœ, 'e wusœ nœ adœke mœ gbe tœ kœna ga ndœ 'e awa ndjoro kashe œrrr ngɔngɔ asœke, awa kɔkɔrɔ fœ mœ nene. Mœ yi lima ndœ nœ adœke ndœla akwa nœ mœ wuta ngbi ugurutœ 'e ɔata á wuta ndje ngbi ugurutœ anga angbi azu á endje wuwusœ Yisu nene. ¹⁴ Mœ sœ dœ kudá nœ azu kɔ: azu á ala endje kærɔ* œdœ endjeneke á ala endje kɔkɔrɔ nene, azu á endje sœ dœ kœwusœrœ dœ endjeneke á endje gugu dœ kœwusœrœ nene; ¹⁵ kudancœ asœmœ kœdœ kœna kœyisœ ɔtshɔ O'o fœ endje. Atamœ, mœ yi ndje ndœ kœna ɔa lœ Roma mbœrœ kœyisœ ɔtshɔ O'onœ asœmœ fœ 'e.

ɔtshɔ O'o kœdœ gbɔgbɔ nœ Ndjaba

¹⁶ Mœ sœsœ dœ tshula mbœrœ kœyisœ ɔtshɔ O'o nene. Tœnœ kœdœ gbɔgbɔ nœ Ndjaba mbœrœ kœshe uzu kɔ á tshe sœ dœ kœyindœrœ: Ayuda utshunœ œdœ ndje angbi azu manda nœ. ¹⁷ Gbambanœ nene, ɔtshɔ O'onœ asœ dá yisœ kœsœ ndjii nœ Ndjaba á uzu œ wuta ga tœ nœ lœ awa nœ kœyindœrœ. Mbœrœ endje sú ɔala Buku

* **1.14** 1.14 Agreke kœdœ lima azu á ala endje kærɔ dœ lɔndɔ nœ Polo

adœke: «Uzu neke á tshe wuta ndjii loe awa noe kœyindœrœ, tshe gb̃o soro.»

Azu para k̃ok̃ mbœrœ ekperœ

¹⁸ Ndjaba ma lima ókó noe ye koeto ba lafo ga tœ ekperœ œdœ ga tœ azu k̃o á endje sœ kœmbœrœ œrœ á sœsœ ndjii nene. Gbambanœ nene, ekpercœncœ ascœmœ sœ kœmbœrœ adœke endje za œrœ ku ala awa adja o'o. ¹⁹ Andaa, œneke á œ li adœke a wusœ noe ba ndœ Ndjaba sœ ngbi mbœrœ azu k̃o. Ndjaba dœ tœ ye dá ma ngbi fœ endje. ²⁰ Pe tœ ali kœmbœrœ tshapash̃o, œrœ á Ndjaba mbœrœ sœ kœma gb̃ogb̃o noe ye waa dœ waa œdœ ndje mara ye dœ tœ ye. Ataa, b̃ata azu wuwusœ noe nene adœke tshe kœdœ Ndjaba, endje gb̃o o'o ye. ²¹ Endje wusœ Ndjaba kashe endje sœsœ kœdonga she b̃ata Ndjaba nene, œ sœsœ ndje kœgi mershe fœ she nene. Andaa gbetshelœ noe endje ndi yé kœwusœrœ noe endje sœ kolœ ubu osho. ²² Endje sœ kœpa adœke œne kœdœ azu noe kœwusœtœ, andaa endje kœdœ aayi indi. ²³ Tœ œsœ kœdonga Ndjaba á tshe tshutshu nene, endje tetœ kœdonga œrœ á endje mbœrœ dœ kane azu á tshutshu, b̃ata ayanu, agea too ayakoro.

²⁴ Mbœrœ tœncœ ataa dá Ndjaba katœ endje ti kœmbœrœ œneke á endje gbe dœ tœncœ, á endje loe kœdjatœ endje loe ngbindirœ yeka á sœ kœgb̃o tshula. ²⁵ Endje ka b̃alima tœ Ndjaba ti œ yi kolœ ndœ wala, endje sœ kolœ kœdonga œrœ á Ndjaba mbœrœ. Kashe Ndjaba á tshe mbœrœ lima œrœ k̃o, endje yiyindœ kœdonga she nene. Œshe kœdœ

Ndjaba má œ li adœke azu donga she waa dœ waa. Ame.

²⁶ Ádánœ á Ndjaba katœ endje ti adœke endje za awa œrœ á endje gbɔ tshula manda nœ dœmœ. Awo endje sœsœ kœlo dœ ayakoshe nene, kashe endje lo kolœ dœ ayashe anga endje. ²⁷ Ayakoshe mbœrœ ndje awa bale. Endje katœ kœlo dœ ayashe, œ sœ dœ ogo anga endje dœ ayakoshe, á sœ kœlo dœ endje. Endje mbœrœ ugurutœ endje œrœ á gaga nene yé endje gbɔ œrœ tshangba djingili nœ endje.

²⁸ Bata á endje vwaratœ endje tœ kœwusœ Ndjaba, Ndjaba katœ endje ti adœke endje sœpe lœ indi kœwusœrœ nœ endje. Ataa, endje sœ kœmbœrœ œrœ á li adœke endje mbœrœ nene. ²⁹ Endje su dœ tshelœ aka œrœ á sœsœ ndjii nene, dœ ekperœ, dœ egerœ lœsu, kœmbœrœ anga endje dœ œgbɔ œrœ, endje sú dœ uku, dœ kœwo azu, dœ œbœrœ, afara, œdœ pe ndje kœpa wala, ³⁰ kœpatœ osho, ayingba Ndjaba, kœgu osho, egerœ kumu œdœ pe kœzatœ endje. Endje sœ kœpara dœ awa kɔ ndœ kœmbœrœ ekperœ, yé endje lilisœ aayi kœzu endje nene. ³¹ Endje gugu dœ kœwusœrœ nene, endje mbœmbœrœ œrœ liaka ndœma endje nene, endje sœ dœ œgbɔ lœsu yé endje wuwu ndje oyo azu nene. ³² Endje wusœ nœ dœ œtshœnœ adœke Ndjaba pa liya adœke: azu á endje mbœrœ mara œrœ ataa li dœ kuzu. Kashe endje lœ kolœ kœmbœrœ œrœ atake, yé œ sœ ndje dœ yanga azu á endje lœ kœmbœrœ mara ekperœ œrœ asœmœ.

Ndjaba œ wa ngbanga pa azu kɔ

¹ Endje wu oyo zœ nene, œbœ, œdœ bœ koedœ œde, á sœ kœwa ngbanga pa anga zœ. Gbambancœ nene, bœ kœsœ kœwa ngbanga pa uzu, bœ sœ ndje kœwa o'o ga tœ zœ dœ tœ zœ mbœrœ bœ sœ ndje awa bale œbœ á bœ sœ kœwa ngbanga. ² Andaa a wusœ nœ adœke kœwa ngbanga nœ Ndjaba sœ kœmbœrœtœ ye lœ adja o'o mbœrœ azu á endje sœ kœmbœrœ mara œrœ ataa. ³ Yé œbœ á bœ sœ kœpa adœke azu sœ kœmbœrœ ekperœ, andaa œbœ ndje bœ sœ tœ kœmbœrœ awa bale, bœ gbe adœke Ndjaba œ wa ngbanga pa zœ nœ zœ nene a? ⁴ Bœ sœ kœwu egerœ ayo nœ Ndjaba, dœ ɔtshɔ lɔsu ndje dœ ugu lɔsu nœ ye ga ndœ zœ gbambancœ a? Bœ wuwusœ nœ nene adœke ayo nœ Ndjaba sœ kœmbœrœ adœke bœ fa lɔsu zœ a? ⁵ Kashe mbœrœ ɔgbɔ lɔsu nœ zœ, dœ gbɔkumu nœ zœ, bœ sœ kœpara adœke Ndjaba za egerœ djofele fœ bœ dœ lɔkɔ á tshe ma ókó á ma kœwa ngbanga nœ ye á sœ ndjii. ⁶ Gbambancœ nene, Ndjaba œ to fœ uzu dœ uzu koeli dœ œneke á tshe mbœrœ. ⁷ Ndjaba œ za soro á ka nene fœ azu neke á endje sœ kœmbœrœ ɔtshɔ akwa, á sœ dœ kœru lɔsu, á sœ kœpara awa kœgbɔ mokɔ, kœliscœtœ œdœ pe ɔkɔ á tshu nene. ⁸ Kashe azu á endje vwaratœ endje tœ adja o'o á tshapu kœza awa œrœ á sœ ndjii, ókó œdœ kœyiangbarœ nœ Ndjaba œ te ga pa endje. ⁹ Azu kɔ á endje sœ kœmbœrœ ekperœ, œ wu kanga œdœ egerœ oyo: œdœ Ayuda œdœ ndje angbi Azu. ¹⁰ Kashe uzu kɔ á tshe kœsœ kœmbœrœ ɔtshœrœ, Ndjaba œ za mokɔ, kœliscœtœ œdœ kœsœ gee fœ she; Yuda utshuncœ œdœ angbi uzu manda nœ. ¹¹ Gbambancœ nene, Ndjaba wuwu tshatshu

uzu nene.

¹² Azu á endje wuwusœ awa akwa nene, œdœ endje koetshu, awa akwa gugu dœ ádá bale pa endje nene. Kashe endjeneke kɔ á endje wusœ awa akwa, œdœ endje kœmbœrœ ekperœ, Ndjaba œ wa ngbanga pa endje liaka awa akwa.

¹³ Gbambanœ nene, azu á endje dji awa akwa kolœ ndœ koedji tœnœ, endje sœsœ ndjii tœ ala Ndjaba nene. Kashe endjeneke á endje mbœrœtœ endje lindœ awa akwa, endje dá lœ ndjii tœ ala Ndjaba. ¹⁴ Lɔkɔ á angbi azu á endje wuwusœ awa akwa nene kœsœ kœmbœrœtœ endje lindœ nœ, œ sœ kœma b̄ata œ sœ lœ endje andaa endje gugu dœ tœnœ nene. ¹⁵ Atamœ, œ sœ kœma b̄ata endje sú awa akwanœ ga tœ l̄su endje. Œdœ endje kœmbœrœ ɔtshœrœ, œdœ endje kœmbœrœ ndje ekperœ; gbetshelœ nœ endje sœ kœyisœ nœ fœ endje kɔ œdœ ndje œneke á sœ tœ l̄su endje á sœ kœwa ngbanga too kœpa o'o tshapa endje. ¹⁶ Kɔkɔ asœke œ wuta bala ngbi dœ lɔkɔ á Ndjaba œ wa ngbanga pa kœmbœrœtœ lœ ubunœ nœ azu lœ awa nœ Yisu Kristu. Asœ koedœ Ɔtshɔ O'onœ á mœ sœ tœ kœpandœ nœ.

Sharapu nœ azu Israyele

¹⁷ Kashe œbœ á bœ dœ Yuda, á bœ ka ga pa awa akwa á sœ tœ koedu okoro zœ mbœrœ Ndjaba nœ zœ, ¹⁸ œbœ á bœ wusœ gbetshelœ nœ ye, œbœ á awa akwa nœ ye yisœ œrœ fœ bœ adœke bœ wusœ kœke œrœ á sœ dœ ɔtshœnœ, ¹⁹ œbœ á bœ gbe adœke bœ koedœ ayi kœgbota aayibula, ingbisho mbœrœ azu á endje sœ lœ ubu osho, ²⁰ œbœ, bœ gbe adœke bœ koedœ ayi kœmbœrœ ala fœ azu á

endje wuwusœ œerœ nene œedœ amba azu. Bata á 6œ wusœ awa akwa á dœ ada kœwusœerœ œedœ adja o'o. ²¹ Ɛ6œ á 6œ kœdœ ayi kœeyisœerœ fœ azu, mbœerœ gadœ á 6œ sœsœ kœeyisœ erœ fœ 6œ dœ tœ zœ nene a? Bœ sœ kœeyisœ erœ adœke: Zizi angba nene, yé mbœerœ gadœ á 6œ sœ kœzi angba a? ²² Bœ sœ kœpakata kœelo dœ awo azu, mbœerœ gadœ á 6œ lo dœ awo azu a? Bœ sœ kœtshene andjaba, yé mbœerœ gadœ á 6œ kpa zi angba erœ tshelœ anda kœdonga dœ andjaba a? ²³ Bœ sœ kœdu okoro zœ adœke 6œ wusœ awa akwa, kashe 6œ sœsœ kœelisœ i'iri Ndjaba nene dœ kœmbœerœ erœ á sœ kœendi awa akwa. ²⁴ Gbambanœ nene, endje sú 6ala Buku nœ Ndjaba adœke: «Angbi azu œ gu œsœ Ndjaba kolœ manda 'e.»

²⁵ Ádá gaza sœ toœœ œedœ 6œ kœsœ kœmbœerœtœ zœ lindœ awa akwa. Ká 6œ kœsœsœ kœmbœerœtœ zœ lindœ awa akwa nene, 6œ li ndje dœ uzu á tshe wawa gaza nene. ²⁶ Ɛdœ angbi uzu á tshe wawa gaza nene kœsœ kœmbœerœtœ ye lindœ awa akwa, endje wu ndje she 6ata uzu á tshe wa gaza. ²⁷ Uzu á tshe wawa gaza nene, á tshe kœsœ kœmbœerœtœ ye lindœ awa akwa, tshe wa ngbanga pa zœ; œ6œ á 6œ wa gaza, á sœ dœ awa akwa kashe á sœsœ kœmbœerœtœ zœ lindœ nœ nene. ²⁸ Ɛ dœdœ œeneke á a wu 6a ushu dá mbœerœ uzu tœ Yuda nene, œ dœdœ ndje sherœwa uku gaza nœ œkœ dá mbœerœ gaza nene. ²⁹ Kashe adja Yuda kœdœ tsheneke á tshe dœ Yuda 6a tœ lœsu ye. Adja gaza kœdœ œœœ lœsu uzu, œeneke á to lœ Ishiri kashe œ toto lœ mbeti nœ awa akwa nene. Mara uzu ataa, kolœ Ndjaba dá donga she kashe azu nene.

3

Uzu bale á tshe sœ ndjii gugu nene

¹ Atamœ, Ayuda ropa angbi azu dœ gade? Ɔtshœrœ nœ kœwa gaza kœdœ gade e? ² Adjapu, Ɔtshœrœnœ sœ waa kashe œneke á ropa nœ kœ utshunœ kœdœ adœke Ndjaba za lima o'o ama ye fœ Ayuda. ³ Atamœ, œdœ anga Ayudancœ kœvwaratœ endje tœ kœyindœ o'o ama Ndjaba, œ mbœrœ adœke Ndjaba kpa gbe dœ o'o ama ye á tshe pa nene a? ⁴ Ɔ sœ atamœ nene. A wusœ œneke: Ndjaba sœ kœpa adja o'o kashe uzu tshapashœ kœdœ ayi wala. Bata endje sú bala Buku nœ Ndjaba adœke:

«Ɔ li adœke azu para kœkœ wusœ nœ adœke
 Ɔœ sœ ndjii lœ o'o ama zœ,
 yé œdœ endje kœtœ meza pa zœ
 Ɔœ te dœ ngbanga nene.»

⁵ Kashe œdœ kœmbœrœ œrœ nœ azœ á sœsœ ndjii nene kœsœ kœma adœke Ndjaba sœ ndjii, atamœ a pa koto o? Mœ sœ kœyutœ mœ bœta uzu kœ œ yutœ ye: «Ndjaba sœsœ ndjii nene yeka á za djofele fœ azœ ascœmœ a?» Mœ sœ kœpa o'o ascœ bœta azu. ⁶ Bale nene! Gbambancœ nene, œdœ Ndjaba kœsœsœ ndjii nene, kotoo á tshe wa ngbanga pa tshapashœ a?

⁷ Kashe œ kœsœ adœke kœpa wala nœ mœ ma adja o'o nœ Ndjaba ngbi mbœrœ mokœ nœ ye, ataa mbœrœ gade á tshe kpa wa ngbanga ga tœ mœ bœta uzu kœmbœrœ ekperœ a? ⁸ Yé mbœrœ gade a tete má lima tœ kœmbœrœ ekperœ œrrr yeka á kœwuta ga tœ Ɔtshœrœ nene, bœta anga aayi wala lœ kœmindœ nœ fœ azœ nene a? Azunœ alcœmœ œ yo dœ ngbanga nœ Ndjaba bœta œ li dœ endje.

Uzu bale sœsœ ndjii nene

⁹ Atamœ o'o gade dá a kpa kœpa a? Azœ dœ Ayuda, a ropa angbi azu dœ gade e? Bale nene. Mœ yisœ nœ ngbi fœ 'e adœke, œdœ Ayuda œdœ angbi azu ndje, endje kœ kœdœ akanga nœ ekperœ. ¹⁰ Bata endje sú bala Buku nœ Ndjaba adœke:

«Uzu á tshe sœ ndjii gugu,
amba anga bale gugu nene.»

¹¹ Uzu kœwusœ tshelœ kata o'o gugu,
uzu bale kœpara awa Ndjaba gugu nene.

¹² Azu para kœkœ fa tshaangba endje fœ Ndjaba,
endje djingili awa.

Uzu kœmbœrœ otshœrœ gugu,
amba uzu bale nene.

¹³ Tshadœngœrœ endje sœ bata udu á kœrœ.
Tima endje sœ tœ kœfara dœ azu,
kongwa ama endje sú dœ girishi yakoro.

¹⁴ O'o kœdarandœ azu dá su pete dœ tshelœ ama
endje
œdœ pe ushu o'o.

¹⁵ Endje sœ gbœgbœtœ endje ndœ kœwo azu.

¹⁶ Endje sœ kœendi azu œdœ kœmbœrœ œrœ kanga
fœ endje.

¹⁷ Endje wuwusœ awa nœ kœsœ gee nene.

¹⁸ Endje sœ kœlisœ Ndjaba nene.

¹⁹ Andaa a wusœ nœ adœke, o'o á awa akwa pa,
œ sœ kœpa tœncœ fœ azu á endje sœ tshakudu awa
akwa adœke azu vu ama endje yé tshapashœ djigi
wu adœke œne gbœ o'o utshu Ndjaba. ²⁰ Ádánœ á
ba utshu Ndjaba, uzu bale sœsœ ndjii lœ awa nœ
akwa nene. Gbambancœ nene, awa akwa sœ kolœ
tœ kœma fœ azu adœke endje mbœrœ ekperœ.

Mara á Ndjaba œ she dœ azu

²¹ Ngɔngɔ asœke, Ndjaba yisœ mara á tshe mbœrœ adœke azu wuta ndjii fœ azœ yé œ dœdœ lœ awa nœ kœna manda awa akwa nene. Kashe awa akwa œdœ aayi kœgbara o'o dá sœ kœpa o'o tœ upu nœ. ²² Ndjaba mbœrœ adœke azu kɔ á endje sœ dœ kœyindœrœ ga ndœ Yisu Kristu wuta ndjii. Tshe mbœrœ atamœ mbœrœ azu kɔkɔ sœ awa bale. ²³ Azu para kɔkɔ mbœrœ ekperœ yé endje lili kœli ga lœ mokɔ nœ Ndjaba nene. ²⁴ Kashe Ndjaba yisœ ɔtshɔ lœsu nœ ye fœ endje á mbœrœ adœke endje wuta ndjii gbambanœ. Tshe mbœrœ adœke lœ awa nœ Yisu Kristu endje she lœ ekperœ ye. ²⁵ Ndjaba vwa Yisu Kristu adœke tshe tshu yeka á indji ye kœdjutɔ ekperœ nœ azu, lœ awa nœ kœyindœrœ mbœrœ kœma œrœ á sœ ndjii. Ndjaba mbœrœ ataa tœ kœma adœke ekperœ á azu mbœrœ lima œne kpa gbe dœ toenœ nene. ²⁶ Mbœrœ Ndjaba lœ ugu lœsu nœ ye, yindœ kœma fœ azu adœke œne kœdœ ayi kœmbœrœ œrœ á sœ ndjii. Tshe sœ kœma kœsœ ndjii nœ ye ngɔngɔ asœ adœke azu á endje sœ dœ kœyindœrœ ga ndœ Yisu wuta Ndjii tœ ala œne.

²⁷ Atamœ, adja œdœ dá li kœdu okoro ye a? Uzu bale nene. Mbœrœ gadœ? Akwa nœ awa akwa a? Bale nene, kashe kolœ dœ i'iri kœyindœrœ. ²⁸ Azu wuwuta ndjii mbœrœ kœmbœrœtœ endje liaka akwa nœ awa akwa nene, kashe kolœ mbœrœ kœsœ dœ kœyindœrœ. ²⁹ A gbe kane. Ndjaba kœdœ kolœ Ndjaba nœ Ayuda a? Tshe dœdœ Ndjaba nœ angbi azu nene a? Tshe kœdœ ndje Ndjaba nœ angbi azu. ³⁰ Gbambanœ nene, Ndjaba sœ tshebale á sœ kœmbœrœ adœke Ayuda œdœ pe

angbi azu wuta ndjii lœ awa nœ kœyindœrœ. ³¹ Yé ßata a sœ dœ kœyindœrœ, œ li adœke a wu awa akwa gbambanœ a? Œ sœsœ atamœ nene. Kashe a za awa akwa ga tœ adja œsœ awa akwa.

4

Kœyindœrœ nœ Abrayamo

¹ O'o gade dá a kpa pa tœ ata azœ dœ Abrayamo ßata uzu a? Œrœ gade dá tshe gbœ a? ² Œdœ tshe kœwuta lima ndjii utshu Ndjaba mbœrœ akwa, tshe li kœdu okoro ye. Kashe tshe lili lima kœdu okoro ye utshu Ndjaba nene. ³ Gbambanœ nene, endje sú ala Buku nœ Ndjaba adœke: «Abrayamo sœ lima dœ kœyindœrœ ga ndœ Ndjaba, yé mbœrœ kœyindœrœ nœ ye, Ndjaba wu she tœ ala ye ndjii.» ⁴ Ayi akwa gbœ ngendja tshangba akwa á tshe mbœrœ, gbozu nœ ye œ ko ngendja fœ she gbambanœ nene. Tshe ko fœ she mbœrœ akwa á tshe mbœrœ. ⁵ Kashe œdœ uzu kœsœsœ kœmbœrœ akwa nene, á kœsœ dœ kœyindœrœ ga ndœ Ndjaba á tshe sœ kœmbœrœ adœke ekpe azu wuta ndjii tœ ala œne, Ndjaba œ wu she ndjii tœ ala ye mbœrœ kœyindœrœ nœ ye. ⁶ Mbœrœ toœnœ dá Davidi sœ kœdonga kœliscœtœ nœ uzu á Ndjaba wu she ndjii tœ ala ye kashe œ dœdœ lœ kumu akwa nœ ye nene. Endje su ala Buku nœ Ndjaba adœke:

⁷ «Yanga nœ azu á Ndjaba djerœndœ ekperœ nœ endje yé á gi pa endje ye.

⁸ Yanga nœ uzu á Gbozu gbegbe dœ ekperœ nœ ye nene.»

⁹ Yanganœ ascœmœ sœ kolœ mbœrœ Ayuda a? Bale nene. Yanganœ sœ ndje mbœrœ angbi azu,

gbambance nene a sœ koepa adœke: «Ndjaba wu lima Abrayamo ndjii tœ ala ye mbœrœ tshe sœ lima dœ koeyindœrœ ga ndœ ye.» ¹⁰ Kashe lœkœ gade dá œrœnce asœke wuta lima a? Œ sœ lima utshunœ adœke Abrayamo wa gaza too manda kœwa gaza? Œ sœsœ lima manda kœwa gaza nene kashe utshu kœwa gaza. ¹¹ Gazanœ yi lima sœ nœ adœke tshe gbœ ambárá, yé œ wuta ndjii tœ ala Ndjaba lœ kumu koeyindœrœ nœ ye. Mbœrœ œtœnce ataa, Abrayamo wuta aba azu á endje sœ dœ koeyindœrœ, á endje wawa gaza nene á Ndjaba sœ ndje kœwu endje бата ndjii tœ ala ye. ¹² Œshe kœdœ ndje aba aayi kœwa gaza, œ yindœ koepa adœke, kolœ endjeneke á endje za lœsu endje ga pa kœ wa gaza, kashe ndje endjeneke á endje sœ kœna tœ awa nœ koeyindœrœ nœ aba azœ dœ Abrayamo utshu adœke tshe wa gaza.

Azu œ gbœ œrœ á Ndjaba pa tœnce manda koeyindœrœ

¹³ Ndjaba pa lima fœ Abrayamo dœ aatanœ adœke endje gbœ tshapashœnce asœke djigi бата œrœ nœ endje. Tshe papa lima o'o asœ fœ Abrayamo mbœrœ á tshe sœ lima kœmbœrœtœ ye liaka awa akwa nene, kashe mbœrœ á tshe sœ lima ndjii tœ ala ye lœ awa nœ koeyindœrœ. ¹⁴ Œdœ Ndjaba kœsœ má kœto œrœ á tshe pa lima tœnce kolœ fœ azu á endje lœ kœmbœrœtœ endje lindœ awa akwa, atamœ ádá koeyindœrœ gugu nene, yé ádá œrœnce á tshe pa tœnce gugu ndje nene. ¹⁵ Gbambance nene, awa akwa sœ kœmbœrœ adœke ókó nœ Ndjaba te ga pa azu.

Kashe osho á awa akwa gugu toence nene, awa kœvwaratœ azu tœ awa akwa gugu bale nene.

¹⁶ Ataa, azu œ gbɔ œrœ á Ndjaba pa toence mbœrœ kœyindœrœ adœke œ dœ koetorœ á tshe to gbambance, á ádánœ sœ zœ mbœrœ aata Abrayamo para. Œ doédœ kolœ mbœrœ endjeneke á endje sœ kœna manda awa akwa nene, kashe ndje mbœrœ azu á endje sœ dœ kœyindœrœ ɓata Abrayamo. Abrayamo koedœ aba azœ para kɔkɔ. ¹⁷ Bata á endje sú ala Buku adœke: «Mœ za ɓœ kœsœ tœ ata ukpulu azu ogo.» Tshe koedœ ata azœ ɓa utshu Ndjaba á tshe sœ dœ kœyindœrœ ga ndœ ye, tsheneke á tshe sœ kœshe azu lœ kuzu yé á sœ kœmbœrœ adœke œneke á gugu nene sœ zœ.

¹⁸ Abrayamo sœ lima dœ kœyindœrœ dœ pe kœza lœsu ye ga pa Ndjaba. Andaa, gbetshelœ kɔ ka lima ye yeka á tshe kpa wuta lima ata ukpulu azu ogonœ, liaka o'o á endje sú adœke: aata zœ œ ngba atake. ¹⁹ Abrayamo ndo lima dœ ngbugu ga pa œrœ nœ kama bale (100), kashe tshe mɔmɔ lima lœ kœyindœrœ nœ ye nene. Tshe wu lima sœ nœ adœke œne mɔ, yé awo œne dœ Sara koedœ lima ayi mara. ²⁰ Tshe sœsœ lima dœ sharapu tœ œrœ á Ndjaba pa lima toence fœ she nene. Kashe kœyindœrœ nœ ye ga ndœ Ndjaba za lima gbɔgbɔ fœ she yé tshe donga lima Ndjaba. ²¹ Tshe wu lima sœ nœ adœke œneke á ndjaba pa toence, tshe sœ dœ gbɔgbɔ nœ kœmbœrœ toence. ²² Ádánœ á Ndjaba wu lima she ndjii tœ ala ye doemœ.

²³ Andaa, o'o á endje sú ala Buku nœ Ndjaba adœke: «Ndjaba wu Abrayamo Ndjii tœ ala ye», endje sú sú kolœ mbœrœ œshe dœ kuti ye nene,

24 kashe endje sú ndje mbœerœ azœ á Ndjaba sœ kœwu ndje azœ бата azu á endje sœ ndjii mbœerœ kœyindœerœ nœ azœ ga ndœ tsheneke á tshe she Gbozu nœ azœ dœ Yisu lœ akuzu. 25 Æshe á endje wo she mbœerœ ekperœ nœ azœ, á Ndjaba she she lœ akuzu adœeke tshe mbœerœ a wuta ndjii.

5

Ndjaba guma tshagurutœ ye dœ azu

1 Bata á Ndjaba wu azœ ndjii mbœerœ kœyindœerœ, a sœ dœ kœsœ gee ugurutœ azœ dœ Ndjaba lœ awa nœ Gbozu nœ azœ dœ Yisu Kristu. 2 Yisu á a sœ dœ kœyindœerœ ga ndœ ye dá kœrœ awa adœeke a wusœ œtshœ lœsunœ á Ndjaba sœ dœ tœnœ ga ndœ azœ. A sœ dœ yanga mbœerœ œtshœ lœsunœ ascœmœ yekane á kœza lœsu azœ ga tœ kœli ga lœ mokœ nœ Ndjaba. 3 Ga pa nœ, ata lœ œerœ kanga nœ azœ gbaa, a sœ ndje dœ yanga mbœerœ a wusœ nœ adœeke œerœ kanga œ za kœru lœsu fœ azœ; 4 kœru lœsu œ to gbœgbœ adœeke a ropa œgbœ œerœ á na ga ndœ azœ, kœropa œgbœ œerœ á ro ga ndœ azœ œ mbœerœ adœeke a ko lœsu azœ ga tœ œerœ á Ndjaba pa lima tœnœ fœ azœ. 5 Yé tshangba kœko lœsu azœ ga tœ Ndjaba œ sœ gbambancœ nene, mbœerœ á tshe yisœ kœyindoesho ga ndœ azœ lœ awa nœ Ætshœ Ishiri á tshe za she fœ azœ.

6 Gbambancœ nene, œbœ á a gugu lima damba dœ gbœgbœ nene, dœ lœkœ á Ndjaba guma, Kristu tshu lima lœ kumu aayi kœmbœerœ ekperœ. 7 Æ sœ tœ œgbœncœ waa kœyindœ nœ adœeke uzu á tshe sœ ndjii tshu. Anga uzu œ yi ete ndœ nœ adœeke

œene tshu mbœerœ ɔtshɔ uzu. ⁸ Kashe Ndjaba ma kœeyindoesho nœ ye ga ndœ azœ. A doé lima aayi kœemboerœ ekperœ yé Kristu tshu mbœerœ azœ. ⁹ Yé ɓata ngɔngɔ asœ, ɓata indji ye mbœerœ adœke a wuta ndjii tœ ala Ndjaba, œ ma adja adœke tshe she bala azœ lœ awa nœ ye lœ ókó nœ Ndjaba. ¹⁰ Gbambanœ nene, a doé lima utshunœ ayingba Ndjaba, kashe Ndjaba guma tshaguru tœ ye doé azœ lœ awa nœ kuzu Gbolo nœ ye. Asœke ma adja adœke Ndjaba œ she bala azœ lœ awa soro nœ Gbolo nœ ye. ¹¹ Ga pa nœ ngɔngɔ asœke, a sœ kœdu okoro azœ mbœerœ Gbozu nœ azœ doé Yisu Kristu á lœ awa nœ ye dá Ndjaba guma tshagurutœ ye doé azœ.

Adamo œdoé Yisu Kristu

¹² Ekperœ li lima ga pa tshapashɔ mangba uzu bale, á tshe kœdoé Adamo. Yé ekperœnœ mbœerœ adœke azu tshu kuzu. Yé kuzu te ga pa azu kɔ mbœerœ azu kɔ mbœerœ ekperœ. ¹³ Ekperœ sœ lima pa tshapashɔ zœ utshunœ adœke Ndjaba za awa akwa. Kashe Ndjaba gbegbe lima doé ekperœ nene mbœerœ awa akwa gugu lima nene. ¹⁴ Andaa, kœto tœ Adamo œerrr ga tœ Moyize, kuzu sœ lima tœ kœwo azu zœ. Yé azu á endje mbœembœerœ lima ekperœ ɓata Adamo mbœerœ nene tshu ndje lima.

Adamo kœdoé lima ishiri uzu á sœ adœke tshe na manda nœ. ¹⁵ Kashe ɔtshɔ lœsu á Ndjaba za fœ azœ ropa ekperœ á Adamo mbœerœ ye. Ekperœ nœ uzu bale za kuzu ga pa azu para kɔkɔ. Kashe ɔtshɔ lœsu á Ndjaba to gbambanœ lœ awa nœ uzu bale, Yisu Kristu na ga pa azu para kɔkɔ. ¹⁶ ɔtshɔ lœsu nœ Ndjaba lili doé ekperœ á uzu bale mbœerœ nene. Gbambanœ nene, mbœerœ ekperœ nœ uzu

bale, Ndjaba wa ɔgbɔ ngbanga ga pa azu para kɔkɔ. Kashe mbɔerɔe ekperɔe ndjoro, ɔtshɔ lɔsu á ndjaba to gbambanɔe mbɔerɔe adɔeke azu para kɔkɔ wuta lɔe ngbanga. ¹⁷ Gbambanɔe nene, mbɔerɔe uzu bale, lɔe awa ekperɔe nɔe ye bale á kuzu na ga pa azu para kɔkɔ; awa bale lɔe awa nɔe Yisu Kristu bale, azu á ɔtshɔ lɔsu nɔe Ndjaba ɔe tu ga pa endje ɔe sɔe bala dɔe soro yé endje ɔe wuta ndjii gbambanɔe.

¹⁸ Bata ekperɔe nɔe Adamo bale gbota ngbanga ga pa azu para kɔkɔ, akwa nɔe kɔesɔe ndjii nɔe uzu bale mbɔerɔe adɔeke azu para kɔkɔ wuta ndjii tɔe ala Ndjaba, yé ɔe sɔe dɔe soro. ¹⁹ Bata azu para kɔkɔ wuta aayi kɔembɔerɔe ekperɔe lɔe kumu uzu bale, awa bale ndje azu para kɔkɔ wuta ndjii mbɔerɔe uzu bale á tshe dji o'o ama Ndjaba.

²⁰ Awa akwa wuta lima yé ekperɔe wuta lima ndjoro, kashe tɔe osho á ekperɔe wuta ndjoro, ɔtshɔ lɔsu nɔe Ndjaba kpa gerɔe kɔeropa nɔe. ²¹ Yé ɔata ekperɔe sɔe lima dɔe gbɔgbɔ ndɔe kɔewo azu, awa bale ɔtshɔ lɔsu nɔe Ndjaba sɔe dɔe gbɔgbɔ tɔe kɔeshe azu adɔeke ɔe to azɔe na tɔenɔe ndɔe soro á ka nene lɔe awa nɔe Gbozu nɔe azɔe dɔe Yisu Kristu.

6

Kuzu too soro lɔe Yisu Kristu

¹ Atamɔe, a kpa pa koto o? A lɔepe kolɔe kɔembɔerɔe ekperɔe yekane á Ndjaba kɔema ɔtshɔ lɔsu waa ga ndɔe azɔe a? ² Bale nene. Lɔe kumu ekperɔe, a sɔe lima ɔata akuzu, yé kotoo yeka a kpa sɔepe kɔembɔerɔe ekperɔe a? ³ Yé a wusɔe nɔe adɔeke a gbɔ batisimu kɔema adɔeke a ngbɔɔatɔe azɔe awa bale lɔe kuzu nɔe Yisu Kristu. ⁴ Batisimu nɔe azɔe má adɔeke, a tshu yé endje shi azɔe awa bale dɔe

she, adœke ɓata gbɔgbɔ mokɔ nœ Aba dá she Kristu lœ akuzu, azœ ndje a wuta dœ tafo soro.

⁵ Gbambanœ nene, ɓata á a ngbɔɓatœ azœ bale, á kuzu nœ azœ li dœ œnœ ye, a ngbɔɓa bala ndje tœ azœ dœ she dœ Kristu lœ kœshe lœ akuzu nœ ye. ⁶ A wusœ nœ dœ ɔtshœnœ adœke, Ndjaba wo ongboro uzu nœ azœ awa bale dœ Kristu pa Kurushi adœke ɔkɔ nœ ekperœ ndi yekane a kpa kœdœdœ akanga nœ ekperœ nene. ⁷ Gbambanœ nene, uzu kœtshu, tshe kpa dœdœ kanga nœ ekperœ nene. ⁸ Kashe œdœ a kœtshu awa bale dœ Kristu, a sœ dœ kœyindœrœ adœke a sœ ndje bala dœ soro awa bale dœ she. ⁹ Mbœrœ a wusœ nœ adœke Ndjaba she Kristu lœ akuzu, tshe kpa tshu bale nene yé kuzu kpa sœsœ dœ gbɔgbɔ pa ye nene. ¹⁰ Gbambanœ nene, tshe tshu lima awa bale ngbewo mbœrœ ekperœ œ ka, yé tshe kpa tshu nene. Ngɔngɔ asœke, tshe sœ dœ soro mbœrœ Ndjaba. ¹¹ E'e ndje awa bale, 'e wutœ 'e adœke 'e tshu ndje tœ upu nœ ekperœ yé ngɔngɔ asœke 'e sœ dœ soro mbœrœ Ndjaba lœ awa nœ Yisu Kristu.

¹² Kaka adœke ekperœ kpa sœsœ dœ gbɔgbɔ bale pa ɔkɔ 'e á tshu nene. Adja 'e kpa mbœmbœrœ ogo kœza awa ekpe gbetshelœ nœ ɔkɔ nene. ¹³ Adja 'e kpa koko œrœ kote 'e ga tœ akwa nœ ekperœ ɓata œrœ kœmbœrœ dœ ekperœ nene. Kashe 'e zatœ 'e fœ Ndjaba ɓata azu á endje to lœ kuzu á kwa ga lœ soro, 'e kotœ 'e djigi ga tœ akwa nœ ye ɓata œrœ mbœrœ akwa á sœ ndjii. ¹⁴ Gbambanœ nene, ekperœ kpa li tœ kœsœ tœ gbozu pa 'e nene mbœrœ 'e kpa sœsœ tshakudu awa akwa nene, kashe 'e sœ tshakudu ɔtshɔ lœsu nœ Ndjaba.

A mbœerœ œerœ á sœ ndjii

¹⁵ Ataa, a kpa pa koto o? A mbœerœ ekperœ mbœerœ a sœsœ tshakudu awa akwa nene, kashe a sœ tshakudu ɔtshɔ lɔsu a? Bale nene. ¹⁶ 'E wusœ nœ dœ ɔtshɔnœ adœke œdœ 'e kœzatœ 'e tœ akanga nœ uzu bale ndœ kœdji she, 'e wuta akanga nœ uzunœ á 'e sœ kœdji she. Œdœ ekperœ, œ to uzu ga lœ kuzu; œdœ kœdji o'o, œ to uzu na tœnœ ga tœ awa nœ œerœ á sœ ndjii. ¹⁷ A gi mershe fœ Ndjaba mbœerœ lima utshunœ, 'e kœdœ akanga nœ ekperœ, kashe ngɔngɔ asœke 'e dji kœyisœerœ á endje yisœ nœ fœ 'e yé 'e yindœ nœ dœ lɔsu 'e bale. ¹⁸ 'E kpa dœdœ akanga nœ ekperœ nene, kashe 'e wuta akanga nœ œerœ á sœ ndjii. ¹⁹ Mara kœpa o'o nœ mœ sœ mbœerœ kœza awa fœ 'e kœdji tshelœ kata o'o á mœ sœ kœpa tœnœ. Utshunœ lima, 'e zatœ 'e djigi ndœ kœmbœerœ œerœ tshula œdœ pe ekperœ á fa lima 'e tœ azu kœyiangba Ndjaba. Awa bale œ li adœke 'e zatœ 'e ngɔngɔ asœke ɓata akanga nœ kœmbœerœ œerœ á sœ ndjii á sœ kœmbœerœ adœke azu wuta yerœ.

²⁰ ɔlɔ á 'e dœ lima akanga nœ ekperœ, œerœ bale á tovworogbo 'e lima ndœ kœmbœerœ œerœ á sœ ndjii gugu nene. ²¹ Leyɔ gadé dá 'e ko lima lœnœ a? Kpœsheke tshula tshangbanœ zaza 'e nene a? Œrœ tshangba nœ kœdœ kuzu. ²² Kashe ngɔngɔ asœke 'e kpa dœdœ akanga nœ ekperœ nene, 'e wuta akanga nœ Ndjaba. Atamœ 'e zu leyɔ á sœ kœmbœerœ adœke 'e wuta yerœ, gbambanœ nene, œerœ tshangba nœ kœdœ soro á ka nene. ²³ Gbambanœ nene, œerœ tshangba ekperœ kœdœ kuzu, kashe œerœ á Ndjaba œ to gbambanœ kœdœ soro á ka nene lœ awa nœ Gbozu nœ azœ dœ Yisu

Kristu.

7

Awa akwa kpa gugu dœ gbɔgbɔ pa azu nœ Kristu nene.

¹ Aaya, e'e á 'e wusœ awa akwa, 'e wusœ nœ adœke awa akwa sœ dœ gbɔgbɔ pa azœ dœ azu kolœ dœ ɔɔ á a sœ dœ soro. ² Bata tœ awo uzu, awa akwa pa adœke œdœ yakoshe kœtshutshu nene, yashenœ lili kœpara anga angbi yakoshe nene. Œ kœsœ adœke yakoshe tshu yeka á yashe totœ œ wuta tshakudu awa akwa asœmœ. ³ Œ kœsœ adœke yakoshe sœpe dœ soro á tshe katœ ye ti á kpa para anga angbi yakoshe, endje pa adœke tshe mbœrœ angba budu. Kashe akɔnœ kœtshu dá tshe wuta tshakudu awa akwanœ. Á tshe kœpara anga angbi yakoshe, endje pa adœke tshe mbœrœ angba dœ yakoshenœ asœmœ nene.

⁴ Aaya, œ sœ ndje awa bale mbœrœ 'e. Bata á Kristu tshu lima, 'e tshu awa bale dœ she yé awa akwa kpa sœsœ dœ gbɔgbɔ pa 'e nene. Ngɔngɔ asœke, 'e ngbɔɔatœ 'e dœ Kristu á Ndjaba shé she lœ akuzu asœmœ. Atamœ œ li adœke a zu leyɔ fœ Ndjaba. ⁵ Mbœrœ lɔkɔ á a sœpe lima lœ ɔkɔ, ekpe gbetshelœ lœ awa nœ awa akwa sœ lima kœmbœrœ akwa lœ undu azœ djigi adœke a zu leyɔ fœ kuzu. ⁶ Kashe ngɔngɔ asœke, a kpa dœdœ akanga nœ awa akwa nene, a wuta ɔata azu á endje tshu ɔalima tœ upu nœ awa akwa. Ataa, a kpa mbœmbœrœ akwa fœ Ndjaba dœ kœro manda ongboro mbeti nene, kashe a mbœrœ akwa fœ Ndjaba dœ tafo awa kwa nœ Ishiri.

Akwa nœ awa akwa.

⁷ Atamœ a kpa pa koto o? Awa akwa kœdœ ekperœ a? Ɖ sœ ataa bale nene. Kashe awa akwa dá yisœ ekperœ fœ mœ. Ataa, mœ wu má ndje lima œsœ egerœ lœsu nene œdœ awa akwa kœpa fœ mœ nene adœke: «Sœsœ dœ egerœ lœsu nene.»

⁸ Yé mbœrœ awa akwa, ekperœ za awa fœ mœ kœza lœsu mœ ga tœ tshelœ aka egerœ lœsu kœ lœ awa nœ awa o'o. Gbambanœ nene, œdœ awa akwa kœgugu nene, ekperœ tshu ye. ⁹ Utshunœ lima adœke awa akwa wuta, mœ sœ lima dœ soro. Yé ɔb á awa o'o na, ekperœ gbɔ soro, ¹⁰ yeka á e kuzu ga pa mœ. Ataa, awa akwa á li má lima adœke œ za soro fœ mœ, œ kpa e kuzu ga pa mœ.

¹¹ Gbambanœ nene, ekperœ gbɔ awa kœfara mœ lœ awa nœ awa o'o yé, lœ awa nœ ye, œ za kuzu ga pa mœ.

¹² Atamœ, awa akwa sœ yerœ yé awa o'o sœ yerœ, ndjii œdœ pe dœ ɔtshɔnœ. ¹³ Ataa ɔtshœrœ li kœwo uzu a? Ɖ sœ ataa bale nene. Kashe ekperœ dá wo mœ, œtœnœ dá matœ ye ngbii. Tshe za œrœ á sœ dœ ɔtshɔnœ á fa tœ kuzu. Ɖ yindœ kœpa adœke, ekperœ sœ kœmatœ ye tœ egerœnœ kœeropanœ dœ tœ ye.

Uzu kœdœ kanga nœ ekperœ

¹⁴ A wusœ nœ adœke awa akwa kœdœ ishiri kashe œmœ kœdœ uzu nœ ɔkɔ, endje ka mœ b̄ata kanga nœ ekperœ. ¹⁵ Mœ wuwusœ ádá œrœ á mœ sœ kœmbœrœ tœnœ nene. Ɖrœ á mœ gbe kœmbœrœ tœnœ, mœ sœsœ kœmbœrœ œtœnœ nene yé œneke á mœ sœ kœyangba nœ, mœ sœ kœmbœrœ œtœnœ. ¹⁶ Andaa œdœ œneke á mœ yiyindœ nœ nene, mœ kœsœ kœmbœrœ œtœnœ, mœ sœ awa bale dœ awa akwa yé mœ yindœ nœ

adœke awa akwa sœ dœ ɔtshɔncœ. ¹⁷ Ɛ dœdœ mœ dá sœ kœmbœrcœ ataa nene, kashe ekperœ á sœ lœ mœ. ¹⁸ Gbambancœ nene, mœ wusœ nœ adœke lœ mœ – mœ yindœ kœpa adœke lœ ɔkɔ mœ – ɔtshɔrcœ sœsœ lœ mœ nene: kœgbe kœmbœrcœ ɔtshɔrcœ sœ zœ kashe kœza ga tœ akwa gugu nene, ¹⁹ mbœrcœ ɔtshɔrcœ á mœ gbe dœ tœncœ, mœ sœsœ kœmbœrcœ tœncœ nene, yé ekperœ á mœ gbegbe dœ tœncœ nene, mœ sœ kœmbœrcœ tœncœ. ²⁰ Andaa, œdœ mœ kœsœ kœmbœrcœ œrcœ á mœ gbegbe dœ tœncœ nene, œ dœdœ mœ dá sœ kœmbœrcœ tœncœ nene, kashe ekperœ á sœ lœ mœ.

²¹ Mœ sœ kœgbɔ awa akwa asœke: œmœ á mœ sœ kœyindœ kœmbœrcœ ɔtshɔrcœ, mœ sœ kolœ dœ gbɔgbɔ ndœ kœmbœrcœ ekperœ. ²² Gbambancœ nene, ɓa tœ lɔsu mœ, mœ sœ dœ yanga awa akwa nœ Ndjaba, ²³ kashe ɓa lœ undu mœ, mœ sœ kœwu angbi awa akwa á sœ kœnga koshe dœ awa akwa neke á kœwusœrcœ nœ mœ yindœ nœ yé œ i mœ ɓata kanga nœ ekperœ á sœ lœ mœ. ²⁴ Ɛmœ kœdœ adja ayi oyo! Ɛdœ dá vwara mœ lœ ɔkɔ á sœ kœvwi mœ ga lœ kuzu asœke a? ²⁵ A gi mershe fœ Ndjaba lœ awa nœ Yisu Kristu, Gbozu nœ azœ!

Ataa, mœ sœ kanga nœ awa akwa nœ Ndjaba lœ awa kœwusœrcœ nœ mœ, kashe ɓata uzu, mœ kœdœ kanga nœ awa akwa nœ ekperœ.

8

Soro á to ɓa ndœ Ndjaba

¹ Ataa, ngɔngɔ asœke Ndjaba kpa wa ɔgbɔ ngbanga ga tœ azu á endje ngbɔɓatœ endje dœ Yisu Kristu nene. ² Gbambancœ nene, awa akwa nœ Ishiri á za soro lœ Yisu Kristu, vwara ɓœ lœ awa

akwa nœ ekperœ œdœ pe œnœ kuzu. ³ Awa akwa lili kœvvara uzu lœ ekperœ nene, mbœrœ awa akwa nœ œkœ sœ kœmbœrœ adœke œ sœ dœ gbœgbœ nene. Kashe Ndjaba dá mbœrœ œtœnœ. Ndjaba vwa adja Gbolo nœ ye kœna ga pa œshœ bœta azœ dœ azu kœmbœrœ ekperœ, yé tshe wo gbœgbœ nœ ekperœ lœ œkœ. ⁴ Tshe mbœrœ adœke a wuta azu nœ kœmbœrœ œrœ á sœ ndjii bœta œneke á awa akwa yindœ nœ. Gbambanœ nene, a kpa sœsœpe dœ ogo kœmbœrœ œrœ nœ œkœ nene kashe a za awa á Ōtshœ Ishiri yisœ nœ fœ azœ.

⁵ Gbambanœ nene, azu á œkœ kœdœ gbozu ga pa endje, endje sœ kœpara œrœ á œkœ endje sœ dœ ogonœ. Kashe endjeneke á Ishiri kœdœ Gbozu pa endje, endje para œrœ á Ishiri yindœ nœ. ⁶ Uzu á tshe sœ kœpara œrœ á œkœ ye sœ dœ ogonœ, sœ kœpara awa kuzu. Kashe tsheneke á tshe sœ kœpara œrœ á Ishiri yindœ nœ, za awa soro œdœ pe awa kœsœ gee. ⁷ Gbambanœ nene, endjeneke á endje sœ kœpara awa œrœ á œkœ endje sœ dœ ogonœ, kœdœ ayingba Ndjaba. Endje sœsœ kœmbœrœœtœ endje lindœ awa akwa nœ Ndjaba nene yé endje sœsœ ndje dœ gbœgbœ kœro manda nœ nene. ⁸ Azu neke á endje para œrœ á œkœ endje sœ dœ ogonœ, endje ga tœ ala Ndjaba nene.

⁹ Kashe e'e, 'e kpa nana manda œrœ á œkœ sœ dœ ogonœ nene, kashe 'e para awa Ishiri nœ Ndjaba mbœrœ á tshe sœ lœ 'e. Uzu á Ishiri nœ Kristu sœsœ lœ ye nene, tshe dœdœé uzu nœ Kristu nene. ¹⁰ Œdœ Kristu kœsœ lœ 'e, œkœ 'e tshu tœ upu nœ ekperœ, kashe Ishiri kœdœ soro 'e adœke 'e wuta ndjii tœ ala Ndjaba. ¹¹ Yé œdœ Ishiri nœ tsheneke á tshe she Yisu lœ akuzu kœsœ lœ 'e, tsheneke á

tshe she Yisu læ akuzu œ za bala ndje soro fœ œkɔ 'e á tshu læ awa nœ Ishiri á tshe sœ læ 'e.

¹² Atamœ aaya, a sœ dœ kudá pa azœ. Kashe œ dœédœ kudá nœ kœpara awa ndœ kœna manda ogo nœ œkɔ azœ nene. ¹³ Gbambanœ nene, œ kœsœ adœke 'e na manda ogo nœ œkɔ 'e, 'e tshu. Kashe œ kœsœ adœke 'e wo ogo nœ œkɔ 'e dœ gbɔgbɔ nœ Ishiri, 'e she. ¹⁴ Mbœrœ azu neke á Ishiri nœ Ndjaba sœ kœyisœ awa fœ endje, kœdœ agbolo nœ Ndjaba. ¹⁵ Yé Ishirinœ á Ndjaba za she fœ 'e ascœmœ, mbœmbœrœ adœke 'e dœ akanga yé 'e sœ dœ awa nene; kashe tshe mbœrœ adœke 'e te agbolo nœ Ndjaba yé tshe za awa fœ azœ ndœ kœ'e Ndjaba adœke: «Aba!» ¹⁶ Ishiri nœ Ndjaba sœ kœpa dœ tœ ye læ gbetshelœ nœ azœ adœke azœ kœdœ agbolo nœ Ndjaba. ¹⁷ Yé ɓata agbolo nœ Ndjaba, a gbɔ ndje œrœ manda Ndjaba. A gbɔ awa bale dœ Kristu; gbambanœ nene, œ kœsœ adœke a wu oyo awa bale dœ Kristu, a sœ ndje bala dœ she awa bale læ mokɔ nœ ye.

Mokɔ á agbolo nœ Ndjaba œ wu

¹⁸ Mœ wusœ nœ adœke mokɔ nœ Ndjaba á agbolo nœ ye œ wu bala ropa oyonœ á a sœ kœwu tœnœ ngɔngɔ asœke ye. ¹⁹ Œrœ kɔ á Ndjaba mbœrœ sœ kœkate dœ lœsu ga lafo adœke œne wu œnœ á tshe ma mokɔ nœ agbolo nœ ye. ²⁰ Gbambanœ nene, œrœnœ kɔ œ yo ga tshakudu tshagbozu nœ gbɔgbɔ á ádánœ gugu nene, œ sœsœ mbœrœ á œrœnœ yindœ nœ nene kashe mbœrœ á Ndjaba yindœ nœ ataa. Kashe œrœnœ ko lœsu endje ga tœ Ndjaba. ²¹ Œ yindœ kœpa adœke œrœ á ndjaba mbœrœ sœ kœkate kœwuta œlɔ bale

tshakudu gbəgbə kəndiroe á sœ koetepa œerœnce tœ akanga, yé œ gbə kœvvara osho œdœe mokə nœ agbolo nœ ye. ²² A wusœ nœ adœeke œerœ kə á Ndjaba mbœerœ sœ ngəngə asœeke kœwu oyo mara á yashe œ wu dœ ləkə kœzu gbolo. ²³ Œ doédœ kolœ œerœ á Ndjaba mbœerœ nene. Œ dœ ndje azœ á a gbə Ishiri ɓata ali tshakala koetorœ nœ Ndjaba, a sœ ndje kœwu oyo tœ lœsu azœ kœkate adœeke Ndjaba fa azœ tœ agbolo nœ ye yé œ vvara azœ djigi. ²⁴ Gbambanœ nene, a she lima kolœ lœ awa nœ kœza lœsu azœ ga ndœ Ndjaba, Kashe a kœsœ kœwu œerœ á a za lœsu azœ ga pa nœ, œ kpa doédœ kœza lœsu ga pa œerœ nene. Uzu de dá za lœsu ye ga tœ œerœ á tshe wu a? ²⁵ Kashe œ kœsœ adœeke a za lœsu azœ ga tœ œerœ á a wuwu damba nene, œ li adœeke a kate dœ kœru lœsu.

²⁶ Ga pa nœ doemœ, Ishiri œ ti kane azœ lœ kœmə nœ azœ mbœerœ a wuwusœtœ azœ tœ kœza avwala fœ Ndjaba ɓata á li nene. Kashe Ishiri dœ tœ ye œ za avwala mbœerœ azœ fœ Ndjaba dœ mara á uzu œ li kœza œtœnce nene. ²⁷ Yé Ndjaba á tshe wusœ lœsu azœ dœ azu kə, tshe wusœ œeneke á Ishiri yindœ kœyu she tœnce ye. Gbambanœ nene, Ishiri sœ kœza avwala nœ ye mbœerœ ayerœ azu liaka gbetshelœ nœ Ndjaba.

²⁸ A wusœ nœ adœeke Ndjaba mbœerœ adœeke œerœ kə sœ dœ œtshənce mbœerœ azu á endje yindœ ye, á tshe e endje liaka œeneke á tshe guma lima utshunœ. ²⁹ Gbambanœ nene, Ndjaba ke endje utshunœ, á wa adœeke endje li dœ ishiri Gbolo nœ ye á tshe kœdœ eya nœ aaya ndjoro. ³⁰ Azunœ á Ndjaba wa o'o mbœerœ endje utshunœ asœmœ, tshe e ndje endje; endjeneke á tshe e endje, tshe

mbœrœ adœke endje wuta ndjii yé endjeneke á tshe mbœrœ adœke endje wuta ndjii, tshe mbœrœ adœke endje sœ læ mokɔ nœ ye.

Kœyindœsho nœ Ndjaba

³¹ Ataa, a kpa pa koto o? Ædœ Ndjaba kœsœ mbœrœ azœ, œdœ dá yiangba azœ a? ³² Ndjaba vwavwara lima tœ ye tœ kœza Gbolo nœ ye tshe-bale fœ azœ nene, kashe tshe za lima she mbœrœ azœ para kɔkɔ. Bata á tshe za Gbolo nœ ye tshe-bale fœ azœ, œrœ gadœ dá tshe kpa duru azœ toœnœ a? ³³ Ædœ dá tɔ meza pa azu á Ndjaba ke endje a? Uzu bale nene. Gbambanœ nene, Ndjaba mbœrœ adœke endje wuta ndjii. ³⁴ Ædœ dá wa œgbɔ ngbanga pa endje a? Uzu bale nene! Gbambanœ nene, Yisu Kristu tshu œ she læ kuzu yé œ sœ ga tœ kuni Ndjaba; á sœ kœza avwala tœ upu nœ azœ. ³⁵ Ædœ dá li kœkurutshelœ azœ dœ kœyindœsho nœ Kristu a? Ædœ œrœ kanga, œdœ awa, œdœ kœwu œrœ kanga, œdœ ogo, œdœ oyo œrœ tshapashɔ, œdœ œrœ á yindœ koendi soro œdœ pe ugu kamba a? Ærœ bale nene!

³⁶ Gbambanœ nene, endje sú adœke:

«ɔlɔ dœ ɔlɔ endje para awa nœ kœwo 'a læ kumu zœ;

endje wu 'a ɓata apata á endje na kœwo endje.»

³⁷ Kashe læ œrœnœ kɔ asœke, a wuta kœropa nœ kolœ dœ gbɔgbɔ nœ Ndjaba á tshe yi ndœ azœ.

³⁸ Gbambanœ nene, mœ wu adja sœ nœ adœke: œdœ kuzu œdœ ndje soro, œdœ aandjelu œdœ ndje ekpe ishiri, œdœ kpesheke œdœ ɓa mbatsha, œdœ gbɔgbɔ, ³⁹ œdœ gbɔgbɔ ɓa lafo, œdœ ndje ɓa budu œshɔ, œdœ anga œrœ á Ndjaba mbœrœ, œrœ

bale nene œ li kœekurutshelœ azœ dœ kœyindoesho nœ Ndjaba, á matœ ye lœ Gbozu nœ azœ dœ Yisu Kristu gugu nene.

9

Ndjaba ke azu Israyele

¹ Æneke á mœ sœ kœpa fœ 'e kœdœ adja o'o. Gbambanœ nene, mœ kœdœ uzu nœ Kristu; mœ sœsœ kœpa wala nene, gbetshelœ nœ mœ sœ kœpa tœ upu nœ mœ lœ awa nœ Ɔtsho Ishiri. ² Lœsu mœ su dœ egerœ oyo yé œ sœ kœka mœ ɔlɔ dœ ɔlɔ. ³ Mœ sœ má kœyindœ nœ adœke Ndjaba darandœ mœ yé œ kurutshelœ mœ dœ Kristu lœ kumu aaya mœ dœ Ayuda á endje zu mœ dœ endje lœ mara bale. ⁴ Endje kœdœ azu Israyele, á Ndjaba ke lima endje adœke endje dœ agbolo nœ œne á yi lima sœ mokɔ nœ ye fœ endje. Tshe guma lima ayo dœ endje, œ za lima awa akwa nœ ye fœ endje yé œ yi lima sœ mara á endje li kœdonga dœ she fœ endje. Tshe pa lima tœ œrœ fœ endje. ⁵ Endje kœdœ aata azœ. Kristu wuta uzu yé endje zu she lœ mara nœ endje. Tshe ropa œrœ kɔ. Æshe kœdœ Ndjaba á endje donga she waa dœ waa. Ame!

⁶ Andaa, o'o á Ndjaba katœ nœ lima fœ endje sœsœ gbambanœ nene. Kashe œ dœdœé azu Israyele para kɔkɔ dá dœ azu Israyele nene. ⁷ Ugurutœ aata Abrayamo kɔ, anga endje dœdœé agbolo nœ ye nene. Mbœrœ tœnœ dá Ndjaba pa liya adœke: «Agbolo á mœ pa tœ endje fœ 6œ, endje to lœ Izaka.» ⁸ Æ má adœke: œ dœdœé agbolo nœ ɔkɔ dá dœ agbolo nœ Ndjaba nene. Kashe kotœ agbolo á Abrayamo zu lima endje

liaka o'o á Ndjaba pa toenœ dá doe adja agbolo nœ ye. ⁹ Ndjaba ka lima tœ o'o fœ Abrayamo adœke: «Ngbugu manda nœ, mœ kwa bala tœ mœ ga ndœ zœ kolœ doe olonœ asœke, yé awo zœ doe Sara œ zu gbolo yakoshe.»

¹⁰ Æ doédœ kolœ asœmœ nene, kashe Rebeka gbœ ndje lima nguzu ameya á aba endje bale kœdœ ata azœ doe Izaka. ¹¹⁻¹² Andaa, utshu kœzu endje, damba endje wuwu lima sœ tshelœ kata ekperœ doe otshœrœ nene, Ndjaba pa lima fœ Rebeka adœke: «Ŋgbœ gbolonœ œ doe kanga nœ inginœ.» Tshe pa lima atamœ mbœrœ kœma adœke œne ke liaka gbetshelœ nœ œne. Tshe para kolœ endjeneke á tshe e endje, tshe wuwu akwa nœ endje nene. ¹³ Endje su bala Buku nœ Ndjaba adœke: «Mœ yindœ Yakobo yé mœ yiangba Esawu.»

¹⁴ Ataa a kpa pa koto o? Ndjaba sœsœ ndjii nene a? Bale nene! ¹⁵ Ndjaba pa lima fœ Moyize adœke: «Mœ wu oyo uzu á mœ yindœ kœwu oyo ye, yé mœ má otshœ lœsu ga tœ uzu á mœ yindœ kœma otshœ lœsu ga tœ ye.» ¹⁶ Æ yindœ kœpa adœke otshœ lœsu nœ Ndjaba sœsœ mbœrœ œneke á azu yindœ nœ too ndje mbœrœ gbœgbœ nœ azu nene, kashe œ sœ kolœ mbœrœ á tshe wu oyo uzu doe tœ ye. ¹⁷ Endje su lima adœke Ndjaba pa fœ gbozugo Ezipito adœke: «Mœ za bœ tœ bœta gbozu mbœrœ kœma gbœgbœ nœ mœ á azu tshapashœ djigi kœwu mokœ nœ mœ.» ¹⁸ Ætoenœ ataa dá Ndjaba kœyindœ nœ yekane á tshe wu oyo uzu; yé tshe kœyi ndje ndœ nœ, tshe mbœrœ adœke uzu sœ doe gbœkumu.

Ókó œdœ lœsu kœwu oyo nœ Ndjaba

¹⁹ Anganœ uzu œ yu mœ adœke: «Ɛ kœsœ ataa, œ mbœrœ kotoo á Ndjaba œ gbagbara azœ dœ azu a? Ka œdœ dá li kœvwaratœ ye tœ œrœ á tshe yindœ kœmbœrœ tœncœ a?» ²⁰ Kashe 6œ kœdœ œdœ yekane á vwaratœ zœ tœ upu nœ Ndjaba a? Ɛdœ dá wu 6alima lœsú kœyu uzu á tshe mbœrœ she adœke: «Mbœrœ gadœ á 6œ mbœrœ mœ atake a?» ²¹ Ayi kœmbœrœ lœsú lili kœmbœrœ œneke á tshe yindœ nœ dœ óto nœ ye nene a? Tshe li kœa ótó; œ mbœrœ anganœ dœ œgbœ lœsú yé œ mbœrœ ndje anganœ dœ amba lœsú. Ɛ scœsœ ataa nene a?

²² A wusœ nœ adœke Ndjaba yi lima ndœ kœma ókó nœ ye œdœ pe gbœgbœ nœ ye. Kashe tshe scœ lima dœ ugu lœsu mbœrœ azu á li lima adœke endje gbœ djofele, á endje li lima dœ kuzu. ²³ Tshe mbœrœ ataa, mbœrœ kœyisœ egerœ mokœ nœ ye ga ndœ azu á tshe wu oyo endje yé á ke endje lima utshunœ á guma endje kœli ga lœ mokœ nœ ye. ²⁴ Azœ kœdœ azunœ á tshe e endje ascœmœ, azœ á tshe e azœ ko ugurutœ Ayuda nene kashe ugurutœ angbi azu ndje. ²⁵ Tœncœ kœdœ o'o ama Ndjaba á Oze su lima adœke:

«Azu ogo á endje dœdœ azu nœ mœ nene,
mœ e endje bala azu nœ mœ;
yé angbi azu á mœ yiyi lima ndœ endje nene,
mœ yindœ endje waa.

²⁶ Ba tœ osho á endje pa lima fœ endje adœke:

“E dœdœ azu nœ mœ nene”,
6a zœ ascœmœ, endje e endje agbolo nœ Ndjaba nœ
soro.»

²⁷ Isaya gbara ndje lima atake tœ upu nœ azu Israyele:

«Ɛdœ azu Israyele kœngba ndje ɓata mindu tshatœ
 ama kota gbaa,
 kolœ udu endje teasho dá she. ²⁸ Gbambanœ
 nene, œeneke á Ndjaba pa tœnœ,
 tshe mbœrœ adœke œ mbœrœtœ endje djigi œdœ
 gbara pa œshœ.»
²⁹ Kolœ Isaya kpa pa ndje lima utshunœ adœke:
 «Ɛdœ Gbozu nœ gbœgbœ kœ kœkaka lima tœ anga
 aata azœ ti fœ azœ nene,
 dá a wuta má ndje ɓata azu ongbo Sodomo, a liili
 má ɓata azu ongbo Gomora.»

Azu Israyele œdœ kœshe lœ awa nœ kœyindœrœ

³⁰ Atamœ a kpa pa kotoo? A pa adœke: azu
 neke á endje doédœ Ayuda nene yé á papara awa
 adœke œne wuta ndjii tœ ala Ndjaba nene, Nd-
 jaba mbœrœ adœke endje wuta ndjii tœ ala œne
 mbœrœ kœyindœrœ. ³¹ Andaa, azu Israyele para
 lima awa adœke œne wuta ndjii tœ ala Ndjaba lœ
 awa nœ kœmbœrœtœ endje liaka awa akwa kashe
 endje wuwuta lima ndjii nene. ³² Mbœrœ gafe e?
 Ádánœ kœdœ adœke endje gbegbe lima kœsœ dœ
 kœyindœrœ nene kashe endje za lima lœsu endje
 ga pa akwa nœ endje. Endje za ada endje tœ badja
 á sœ kœko endje vesho. ³³ Endje su ala Buku nœ
 Ndjaba adœke:

«'E dji, mœ za badja tœ ɓa lakpi Siyona,
 œtœnœ kœdœ badja á azu œ ko ada endje tœ tœnœ
 á ko endje vesho.
 Kashe uzu á tshe kœsœ dœ kœyindœrœ ga ndœ ye,
 tshe gbœ tshula nene.»

10

Ayuda dœ angbi azu sœ dœ Gbozu bale

¹ Aaya, œrœ á mœ yindœ nœ dœ lœsu mœ bale, yé á sœ kœza avwala nœ mœ fœ Ndjaba tœnœ kœdœ adœke tshe she Ayuda. ² Gbambanœ nene, mœ wusœ nœ adœke endje sœ dœ egerœ ogo kœmbœrœ akwa nœ Ndjaba kashe endje wuwusœ awa kœmbœrœ tœnœ dœ ɔtshœnœ nene. ³ Endje wuwusœ mara á Ndjaba mbœrœ adœke uzu wuta ndjii tœ ala ye nene. Endje para kœwuta ndjii dœ awa nœ endje dœ tœ endje. Mbœrœ tœnœ atamœ, endje zatatœ endje fœ Ndjaba yeka á tshe kœmbœrœ adœke endje wuta ndjii nene. ⁴ Gbambanœ nene, Kristu mbœrœ œneke kœ á li má adœke awa akwa mbœrœ yekane á endjeneke kœ á endje sœ dœ kœyindœrœ ga ndœ ye kœwuta ndjii tœ ala Ndjaba.

Uzu kœ á tshe sœ dœ kœyindœrœ ga ndœ Yisu, tshe she

⁵ 'E dji o'o á Moyize sú tœ upu nœ kœsœ ndjii á to lœ awa akwa: uzu kœro manda awa akwa, œ sœ dœ soro lœ awa nœ awa akwa. ⁶ Kashe tœ kœwuta ndjii dœ awa nœ kœyindœrœ, tshe pa lima adœke: «Yuyutœ zœ nene adœke: œdœ dá ɔ ga lafo a?» Œ sœ bœta kœza Yisu jerœ tœnœ ga ati. ⁷ 'E yuyu ndje tœ 'e nene adœke: «Œdœ dá jerœ ga lœ ogo nœ akuzu a?» Œ sœ bœta 'e kpa yindœ kœmbœrœ adœke Yisu kpa she lœ akuzu. ⁸ Kashe Moyize pa lima kotoo? Tshe pa lima atake: «O'o ama Ndjaba sœ ndoo dœ bœ, œ sœ lœ ama zœ; œ sœ ndje tœ lœsu zœ.» O'onœ asœmœ kœdœ o'o nœ kœyindœrœ á a sœ kœmindœ nœ. ⁹ Œdœ bœ kœpa dœ ama zœ

adœke Yisu kœdœ Gbozu, á yindœ nœ dœ lœsu zœ adœke Ndjaba she she lœ akuzu ye, 6œ she bala ye. ¹⁰ Mbœrœ kœyindœ nœ dœ lœsu zœ dá Ndjaba œ mbœrœ adœke 6œ sœ ndjii, yé 6œ kœpandœ nœ dœ ama zœ dá Ndjaba œ she 6œ. ¹¹ Gbambanœ nene, endje sú 6ala Bukunœ adœke:

«Uzu kœ á tshe sœ dœ kœyindœrœ ga ndœ Yisu, tshe gbœ tshula nene.»

¹² Ádánœ á Ayuda dœ angbi azu sœsœ kpi nene. Gbozu nœ endje kœdœ Yisu Kristu á tshe to ɔtshœrœ nœ ye fœ azu para kœkœ á endje e i'iri ye.

¹³ Mbœrœ á endje sú 6ala Buku nœ Ndjaba adœke:

«Uzu kœ á tshe e i'iri Gbozu, tshe she.»

¹⁴ Kashe endje e i'iri ye kotoo œdœ endje kœsœ dœ kœyindœrœ ga ndœ ye nene a? Yé endje sœ dœ kœyindœrœ ga ndœ ye kotoo œdœ endje kœdjidji damba o'o nœ ye nene a? Endje dji o'o nœ ye kotoo œdœ a kœmimindœ nœ nene a? ¹⁵ Endje mindœ o'onœ kotoo œdœ endje kœvwavwa azu nene a? Endje su 6ala Buku nœ Ndjaba adœke:

«Yanga waa kœwu azu á endje na dœ ɔtshœ O'o fœ azu.»

¹⁶ Kashe azu para kœkœ dá yindœ ɔtshœ O'onœ nene. Isaya pa lima tœ upunœ adœke:

«Gbozu, œdœ dá yindœ o'onœ á 'a sœ kœmindœ nœ a?»

¹⁷ Ataa, kœyindœrœ to lœ kœmindœ o'o ama Ndjaba yé kœmindœ o'o ama Ndjaba kœdœ kœmindœ ɔtshœ O'o nœ Kristu.

¹⁸ Mœ sœ kœyu adœke: ataa azu Israyele djidji lima o'onœ asœke nene a? Adjapu, endje dji lima kœ. Mbœrœ Buku nœ Ndjaba pa adœke:

«Endje dji tshama endje na toenœ pa øsho djigi,
yé o'o ama endje œ na rotœnœ tœ osho kœ pa
øshœnœ asœke.»

¹⁹ Mœ sœ kpa kœyu adœke: Ataa azu Israyele djidji
lima dœ øtshœnœ nene a? Ndjaba pa lima ndœ nœ
lœ ama Moyize adœke:

«Mœ mbœrœ adœke 'e sœ dœ úkú ga tœ azu á
endje doédœ azu nœ mœ nene.

Mœ mbœrœ adœke 'e sœ dœ ókó ga tœ angbi
azu á endje gugu dœ kœwuscœrœ nene.»

²⁰ Isaya kpa na œrrr kœpa adœke:

«Azu á endje sœsœ lima kœpara mœ nene, gbœ mœ,
mœ matœ mœ fœ azu neke á endje sœsœ
lima kœyu mœ tœ œrœ nene.»

²¹ Yé mbœrœ azu Israyele, tshe pa lima adœke:

«Œlœ kœ, mœ yi lima kane mœ mbœrœ kœ'e endje
kashe endje djidji lima o'o ama mœ nene.

Endje kœdœ aayi gbœkumu œdœ adjipudji.»

11

*Ndjaba vwavwara lima tœ ye tœ azu Israyele
nene.*

¹ Mœ sœ kœyutœ mœ adœke: Adja Ndjaba
vwaratœ ye tœ azu nœ ye ye a? Bale nene!
Gbambanœ nene, œmœ ndje kœdœ uzu Israyele,
ata Abrayamo lœ mara nœ Abendjame. ² Ndjaba
vwavwaratœ ye tœ azu nœ ye á tshe ke lima endje
katshatsha nene. 'E wuwusœ o'o á Eliya pa lima
ala Buku nœ Ndjaba œlœ á tshe sœ kœki oyo tœ upu
nœ azu Israyele fœ Ndjaba nene a? ³ Tshe ki lima
adœke: «Gbozu, endje wo aayi kœgbara o'o nœ zœ,
œ kavwa wopa nœ zœ. Mœ sœpe dœ kuti mœ

tshebale yé endje kpa sœ kœpara awa ndœ kœwo mœ.»

⁴ Kashe Ndjaba gi lima o'o gade fœ she a? Tshe gi lima fœ she adœke: «Mœ gumasœ azu kutu mindu dœ bisha á endje kukuku ga utshu ndjaba Bala nene.» ⁵ Awa bale ndje ngõngõ asœke, anga udu azu á Ndjaba ke endje liaka ɔtshɔ lɔsu nœ ye sœpe zœ. ⁶ Tshe keke lima endje mbœrœ akwa nœ endje nene, kashe kolœ mbœrœ ɔtshɔ lɔsu nœ ye. Ete nene, ɔtshɔ lɔsu nœ Ndjaba kpa dœ ɔtshɔ lɔsu nene.

⁷ Atamœ a kpa pa kotoo? Azu Israyele gbõgbõ œrœ á endje sœ lima kœpara tœnœ nene, kolœ endjeneke á Ndjaba ke endje dá gbõ. Anga endje wuta lima dœ gbõkumu, ⁸ bata á endje sú ala Bukunœ adœke: «Ndjaba mbœrœ adœke kœwusœrœ nœ endje papara awa kœwusœ ádá o'o nene. Tshe pakata ala endje kœwu œrœ œdœ utu endje kœdji o'o œrrr ngõngõ asœke.» ⁹ Davidi pa ndje adœke:

«Kaka kœzirœ nœ endje fa úkú œdœ gbanda,
œ kãrɔ awa kœyo endje dœ endje gbõ œneke á li dœ
endje,

¹⁰ Kaka adœke endje kpa wuwu œrœ nene œrrr ala
endje bu,
mbœrœ adja adœke ovoro endje lu ga tœnœ.»

¹¹ Mœ kpa sœ kœyutœ mœ adœke: «Lɔkɔ á Ayuda ko lima ada endje tãsho, endje yo lima waa ye a?» Bale nene. Kashe ekperœ nœ endje kãrɔ awa fœ angbi azu adœke endje gbõ kœshe, á kœvwa Ayuda kœmbœrœ úkú. ¹² Andaa, œdœ ekperœ nœ Ayuda kœza kœgbœrœ fœ tshapashɔ, á kœyo endje kœza kœgbœrœ fœ angbi azu, ataa ɔtshœrœ kpa ropa nœ ɔb á endje kpa kwatœ endje kɔ ga pa awa kœshe.

Angbi azu æ she

¹³ Mœ sœ kœpa fœ e'e doé azu á 'e doédóé Ayuda nene: œmœ kœdœ ayi avwa á Ndjaba ke mœ mbœrœ angbi azu yé mbœrœ tœncœ ataa, mœ sœ dœ yanga mbœrœ akwa á mœ mbœrœ asœke waa.

¹⁴ Mœ gbe kœmbœrœ ataa adœke aaya mœ wuta dœ úkú yeka anga endje kœshe. ¹⁵ Gbambanœ nene, ɔɔ á Ndjaba vvara lima tœ ye tœ Ayuda, tshe guma lima tshaguru tœ ye dœ tshapashɔ. Atamœ ɔɔ á tshe kpa kœguma tshagurutœ ye dœ endje, œ sœ ɓata uzu to lœ kuzu á kwa ga lœ soro nene a?

¹⁶ Œdœ uzu kœza ali kumu œrœ kindi noe ye fœ Ndjaba, udu œrœncœ kɔ kœdœ œncœ Ndjaba. Œdœ uzu kœza ndje ɔɔ fœ Ndjaba, ganeanœ ndje kœdœ œncœ ye. ¹⁷ Azu Israyele sœ ɓata ɔɔ olive á Ndjaba de anga ganeanœ tœncœ yé tœ œsœ ganeanœ asœmœ, tshe za ɓœ tɔɔ ga zœ œɓœ doé angbi uzu ɓata ganea olive tshelœ gusu. Bœ sœ ndje kœgbɔ kœzirœ á sœ kœto lœ eshe ɔɔ olive á sœ kœɔ tœncœ. ¹⁸ Ádánœ á lili adœke ɓœ sœ dœ egerœ kumu nene utshu ganea á endje de. Kotoo á ɓœ ti kanga zœ a? Œ doédóé ɓœ dá sœ kœza eshe ɔɔ nene kashe eshe ɔɔ dá sœ kœza ɓœ.

¹⁹ Anganœ ɓœ sœ kœpa ndje adœke: «Endje de lima ganea ɔɔ asœke yeka á mœ kœgbɔ osho kœsœ tœncœ.» ²⁰ Adjapu. Endje de ganeanœ asœmœ mbœrœ á endje gugu lima dœ kœyindœrœ nene yeka á ɓœ gbɔ osho tshangbanœ mbœrœ kœyindœrœ. Kashe dudu okoro zœ nene, yé ala zœ gbɔ kane. ²¹ Gbambanœ nene, œdœ Ndjaba kœde Ayuda á endje kœdœ adja ganea ɔɔ, ala zœ gbɔ anganœ tshe de ndje ɓœ awa bale. ²² 'E wu

mara á Ndjaba sœ kæma ɔtshɔ lɔsu nœ ye œdœ
 kœza djofele nœ ye kane: tshe za djofele fœ azu á
 endje yo yé œ má ɔtshɔ lɔsu ga ndœ zœ. Mbœrœ
 adœke œndœ zœ di lœ ɔtshɔ lɔsunœ ascœmœ ete
 nene, endje de ndje ɔœ ye. ²³ Kashe lɔkɔ á Ayuda
 kpa kœfatshalɔsu endje, endje kwa ga tœ osho á
 endje sœ lima tœnœ utshunœ. Gbambanœ nene,
 Ndjaba sœ dœ gbɔgbɔ kœgi endje ga tœ ɔyɔ ga
 manda œsœ endje. ²⁴ Œbœ doé angbi uzu, ɔœ
 kœdœ ganea tshelœ gusu á ndjaba de ɔœ á za
 ɔœ tɔrɔ ga tœ ɔyɔ á ɔœ sœsœ lima tœnœ nene.
 Kashe Ayuda, endje kœdœ adja ganea ɔyɔ olivencœ,
 Ndjaba li kpa kœgi endje ga manda endje tɔrɔ ga
 tœ ɔyɔ á endje sœ lima tœnœ.

Ndjaba œ she Ayuda

²⁵ Aaya, mœ yindœ nœ adœke, 'e wusœ o'o nœ
 Ndjaba á zatœ ye yiwa tœnœ ascœke, á 'e kœzazatœ
 'e nene adœke 'e kœdœ aayi kœwusœtœ. O'onœ
 ascœke dœke: anga tshakala azu Israyele œ wuta
 kœdji tshelœ kata o'o ascœ nene œrrr adœke angbi
 azu djigi wuta ga tœ kœshe. ²⁶ Yé manda nœ dá
 Azu Israyele kɔ œ she ɔata á endje sú ala Buku nœ
 Ndjaba adœke:

«Ayi kœvwara azu œ to ɔa lakpi Siyona,
 tshe gi ekperœ tœ aata Yakobo.

²⁷ 'E wu ayo á mœ mbœrœ bala dœ endje,
 lɔkɔ á mœ i ekperœ nœ endje.»

²⁸ Ayuda vwara lima tœ endje tœ ɔtshɔ O'o
 yé œ wuta lima ayingba Ndjaba yekane á kɔrɔ
 awa fœ 'e. Kashe Ndjaba sœ kœyindœ endje
 waa dœ waa mbœrœ á tshe ke lima aata endje.

²⁹ Gbambanœ nene, Ndjaba kœza œrœ fœ uzu tshe

kpa za tshakane ye nene. Tshe kœ'e uzu, tshe kpa fatshelœ ama ye nene. ³⁰ Utshunœ lima 'e sœsœ kœdji Ndjaba nene yé ngɔngɔ asœke Ndjaba wu oyo 'e mbœrœ Ayuda vwaratœ endje tœ kœdji she. ³¹ Awa bale ngɔngɔ asœke endje vwaratœ endje tœ kœdji o'o adœke Ndjaba kœwu oyo 'e, á manda nœ yekane á tshe kœwu ndje oyo endje. ³² Gbambanœ nene Ndjaba mbœrœ lima adœke azu para kɔkɔ vvara lima tœ endje tœ kœdji o'o ama œne. Tshe mbœrœ lima atamœ adœke œne ma lɔsu kœwu oyo endje para kɔkɔ.

³³ Adja Ndjaba gerœ waa. Œsœ kœwusœtœ nœ ye dœ pe kœwusœrœ nœ ye gerœ ndje waa. Uzu bale á tshe wusœ ada kœwa o'o nœ ye gugu, uzu bale á tshe wu ndje sœ œrœ á tshe yindœ kœmbœrœ tœnœ gugu nene. ³⁴ Buku nœ Ndjaba pa adœke: «Œdœ dá wusœ gbetshelœ nœ Ndjaba? Œdœ dá li tœ kœmi upu fœ she a?

³⁵ Œdœ dá to œrœ tœ alinœ fœ she, yekane á tshe kœgi tshangbanœ fœ she a?»

³⁶ Gbambanœ nene, œrœ kɔ to ɔa ndœ ye, œrœ kɔ sœ dœ soro lœ awa nœ ye yé œrœ kɔ sœ mbœrœ she. Kaka mokɔ nœ Ndjaba sœ waa dœ waa. Ame!

12

Tafo soro lœ Yisu Kristu

¹ Aaya, ɔata á Ndjaba má ɔtshɔ lɔsu nœ ye fœ azœ, mœ yindœ nœ adœke 'e zatœ 'e fœ she ɔata tokóró nœ soro, á endje gi ga indirinœ yé á sœ kœza yanga fœ she. Asœke kœdœ adja mara kœdonga Ndjaba á li dœ 'e kœdonga dœ she. ² 'E mbœmbœrœtœ 'e ɔata azu tshapashœnœ

asœke nene kashe 'e za awa foe Ndjaba koeto tafo koewusœroe foe 'e yeka á 'e koewusœ œeneke á Ndjaba yindœ noe, œeneke á soe doe otshœnoe, œeneke á za yanga foe she, œeneke á li.

³ Yé mbœroe otshœ lœsu noe Ndjaba ga ndœ moe, moe soe koepa foe 'e adœke 'e zatatœ 'e ga lafo kœero mara á 'e soe doe toenœ nene. Kashe 'e soe doe gbetshelœ neke á li, adœke uzu doe uzu wutœ ye liaka koeyindœroe á Ndjaba to foe she. ⁴ Gbambanœ nene, undu azœ soe bale kashe œroe kotenœ ngba waa. Akwa á œroe kote undu azœ bale doe bale œ mbœroe soesœ awa bale nene. ⁵ Awa bale a ngba waa, kashe a wuta undu uzu bale lœ koengbœtoe azœ bale doe Kristu yé uzu doe uzu koedœ œroe kote undunœ. ⁶ Uzu doe uzu soe doe gbœgbœ koembœroe doe akwa kpikpi doe mara á Ndjaba to foe she lœ otshœ lœsu noe ye. Œ kœsœ adœke Ndjaba to gbœgbœ noe kœgbara doe o'o foe uzu, œ li adœke tshe gbara lindœ koeyindœroe. ⁷ Uzu á tshe kœsœ doe gbœgbœ noe kœti kane anganœ, kaka adœke tshe ti kane anganœ. Yé uzu á tshe kœsœ doe gbœgbœ noe koeyisœ œroe, kaka tshe yisœ œroe. ⁸ Uzu á tshe kœsœ doe gbœgbœ noe koeto gbœgbœ foe anganœ, kaka tshe to gbœgbœ foe anganœ. Uzu á tshe kœsœ doe gbœgbœ noe koeto œroe, kaka tshe to doe lœsu ye bale. Uzu á tshe kœsœ toe gbozu tshapa anganœ, kaka tshe zatœ ye djigi ndœ noe. Uzu a tshe kœsœ doe gbœgbœ ndœ koewu oyo azu, kaka tshe mbœroe doe yanga.

⁹ Œ li adœke 'e yindœ anga 'e doe adja koeyindœsho. 'E kpa awa ekperœ yé œ zatœ 'e djigi ndœ koembœroe otshœroe. ¹⁰ 'E yindœtoe 'e ugurutœ 'e b̄ata aaya azu: 'e lisœtoe 'e ugurutœ 'e.

11 'E mboerøe akwa dœ gbøgbø yé 'e mboembøerøe òdø nene. 'E mboerøe akwa fœ Gbozu dœ lōsu 'e bale. 12 'E sœ dœ yanga lœ kœko lōsu nœ 'e ga tœ Ndjaba. 'E sœ dœ ugu lōsu lœ oyo yé œ sœ dœ kœru lōsu lœ avwala. 13 'E ti kane ayerøe azu nœ Ndjaba á endje sœ lœ oyo yé œ za osho kœsœe òl dœ òl fœ agene.

14 'E pa otshø o'o ga tœ azu á endje sœ kœmbøerøe øerøe kanga fœ 'e. 'E to kane 'e ga pa endje kashe 'e dadarandøe endje nene. 15 'E sœ dœ yanga awa bale dœ azu á endje sœ dœ yanga, œ ki awa bale dœ azu á endje sœ dœ iki. 16 'E sœ dœ gbetsheløe bale ugurutøe 'e. 'E kpa awa kœsœe dœ egerøe kumu kashe 'e zatøe 'e ga ati. Adja 'e gbegbe nene adøeke 'e kœdøe azu nœ kœwusøetøe.

17 Ædøe uzu kœmbøerøe ekperøe fœ 'e, 'e gigi ekperøe fœ she nene kashe 'e para awa kœmbøerøe otshøerøe utshu azu para køkø. 18 'E mboerøe øeneke kø á li dœ gbøgbø nœ 'e adøeke tshagurutøe 'e sœ dœ kœsœe gee. 19 Aaya á mœe yindøe 'e, øedøe azu kœmbøerøe ekperøe fœ 'e, 'e gigi ekperøe dœ tœ 'e nene. Kashe 'e za awa adøeke ókó nœ Ndjaba kœmbøerøe akwa. Gbambanøe nene, endje sú ala Buku nœ Ndjaba adøeke: «Æmœe dá gi tshangba ekperøe, øemœe ndje dá gi kuda tshangba ekperøe kø», Ndjaba dá pa ataa. 20 Yé ga pa nœ, endje kpa su ndje adøeke: «Ædøe yingba zœ kœsœe dœ ogo, to kœzøerøe fœ she; øedøe tshe kœsœe dœ ogo ungu, su ungu fœ she; gbambanøe nene, øedøe øœ kœsœe kœmbøerøe atamœe, øœ sœ kœeva jiwo ga pa kumu ye.» 21 Zaza awa fœ ekperøe adøeke œ ropa zœ nene kashe ropa ekperøe lœ awa nœ kœmbøerøe otshøerøe.

13

A zatœ azœ ga tshakudu agbozu nœ Lita

¹ Æ li adœke uzu kœ zatœ ye ga tshakudu agbozu nœ Lita mbœrœ akwa tshagbozu kœ to 6a ndœ Ndjaba; yé agbozu á a sœ dœ endje, Ndjaba dá ko endje. ² Atamœ uzu kœ á tshe kœvwaratœ ye tœ kœzatœ ye ga tshakudu agbozu nœ Lita, tshe vwaratœ ye tœ kœmbœrœtœ ye liaka œneke á Ndjaba guma yé Ndjaba œ wa œgbœ ngbanga ga tœ ye. ³ Gbambancœ nene, azu á endje sœ kœmbœrœ œtshœrœ, endje kpa awa agbozu nœ Lita nene kashe azu neke á endje mbœrœ ekperœ dá kpa awa endje. Ædœ uzu kœyindœ nœ adœke awa agbozu nœ Lita mbœrœ œne nene, œ li adœke tshe mbœrœ œtshœrœ yekane á endje kœlisœ ye. ⁴ Gbambancœ nene, agbozu nœ lita kœdœ aayi akwa nœ Ndjaba mbœrœ kœyisœ kœmbœrœ œtshœrœ fœ azu. Ædœ 6œ kœmbœrœ ekperœ, œ li adœke awa endje mbœrœ 6œ, mbœrœ endje gbœgbœ akwanœ gbambancœ nene. Lœ kœza djofele fœ azu, endje sœ tœ akwa nœ Ndjaba adœke œne ma ókó nœ ye ga ndœ azu á endje sœ kœmbœrœ ekperœ. ⁵ Mbœrœ tœncœ ataa, œ li adœke a zatœ azœ ga tshakudu agbozu nœ Lita. 'E kpakpa kolœ awa ókó nœ Ndjaba nene kashe 'e zatœ 'e ga tshakudu agbozu nœ Lita mbœrœ á a wusœ nœ adœke œ li dœ azœ kœmbœrœ atamœ.

⁶ Ætœncœ kœdœ ndje ádánœ á li dœ 'e adœke 'e yœ lapo. Ndjaba ko aayi akwa nœ kœko ngendja lapo adœke endje zatœ endje ga tœ akwanœ dœ œtshœncœ. ⁷ Yé 'e gi kudá nœ uzu kœ fœ she. 'E yœ lapo á li adœke 'e yœ, 'e yœ takeshe á li adœke 'e yœ,

œ kpa awa azu neke á li dœ 'e kœkpa awa endje yé
œ lisœ endjeneke á li dœ 'e kœlisœ endje.

Kœyindœtœ azœ

⁸ 'E sœsœ dœ kudá nœ uzu bale pa 'e nene.
'E sœ kolœ dœ kudá á li dœ 'e kœsœ dœ tœnœ
adœke: 'e yindœtœ 'e. Uzu á tshe sœ kœyindœ
angancœ sœ kœmbœercœtœ ye liaka awa akwa djigi.

⁹ Gbambancœ nene, awa o'o pa adœke: «Papara awo
yanga zœ nene, wowo uzu nene, zizi angba nene;
zaza lœsu zœ ga pa œrcœ noé yanga zœ nene.» Awa
akwancœ asœke œdœ pe udu awa akwa para kœkœ
li ga lœ awa akwa bale á pa adœke: «Yindœ yanga
zœ bœta á bœ yindœtœ zœ dœ tœ zœ.» ¹⁰ Uzu á tshe
kœyindœ yangancœ, tshe mbœercœ ekperœ fœ she
nene, ádancœ á uzu á tshe sœ kœyindœ yangancœ
tshe sœ kœmbœercœtœ ye liaka awa akwa djigi.

¹¹ Bœta 'e wusœ lœndœ á a sœ dœ tœnœ, lœkœ kœjœ
'e lœ olo wuta ye. Kpœsheke kœshe na ndœ dœ azœ
kœtœ tœ œbœ á a yi lima ndœ œrcœ. ¹² Œndœ butshœ
di yé osho ndœ kœkœrcœ tœnœ ye. A katœ akwa
nœ ubu osho yé a kœ œrcœ kœnga dœ koshe nœ
ingbisho. ¹³ Œ li adœke akwa tshelœ azœ dœ akwa
nœ ingbisho, a katœ egerœ lœsu, dœ kœndjœ ipi
tœpanœ kpuru, dœ angba budu, dœ œrcœ tshula,
dœ œbœercœ œdœ úkú. ¹⁴ Kashe 'a matœ azœ bœta
azu nœ Yisu Kristu, yé 'e papara kœmbœercœ œneke
á ogo nœ œkœ 'e œ vwa 'e ndœ kœmbœercœ tœnœ
nene.

14

A wawa ngbanga ga pa anga azœ nene

¹ 'E za osho kœsœ fœ uzu á kœyindœrcœ nœ ye
sœ teasho, kashe 'e wawa ngbanga pa gbœtshelœ

nœ ye nene. ² Anga uzu sœ dœ kœyindoerœ adœke œene li kœzi œerœ kɔ, andaa anga á kœyindoerœ sœ teasho, sœ kœzi kolœ dɔngɔ. ³ Atamœ uzu á tshe sœ kœzi œerœ tshetshene tsheneke á tshe zizi nene, yé tsheneke á tshe zizi nene wawa o'o ga tœ tsheneke á tshe sœ kœzi tœnœ nene. Gbambanœ nene, Ndjaba za osho kœsœ fœ she ndje. ⁴ Œbœ kœdœ dé á kœwa ngbanga pa ayi akwa á tshe dœdœ tshenœ zœ nene a? Œdœ tshe kœmbœrœ akwa nœ ye dœ ɔtshɔnœ œdœ tshe mbœmbœrœ dœ ɔtshɔnœ nene, œ dœ o'o nœ ayengɔ ye. Tshe shi gbi; gbambanœ nene, Gbozu sœ dœ gbɔgbɔ kœti kane ye.

⁵ Tœ upu nœ anga bale, olo sœ kpikpikpi, andaa tœ anga olo kɔ liili. Kaka uzu dœ uzu wusœ nœ ɓa lɔsu ye dœ tœ ye adœke œeneke á œene gbe kœdœ adjapu. ⁶ Uzu á tshe kœgbe adœke anga olo bale ropa udu olo kɔ, sœ kœmbœrœ tœnœ mbœrœ kœlisœ Gbozu; uzu á tshe sœ kœzi œerœ kɔ, sœ ndje kœmbœrœ tœnœ mbœrœ kœlisœ Gbozu; gbambanœ nene, tshe sœ kœza mershe fœ Ndjaba mbœrœ kœzirœ nœ ye. Tsheneke á tshe zizi œerœ nene sœ kœmbœrœ tœnœ mbœrœ kœlisœ Gbozu yé œ sœ ndje kœza mershe fœ Ndjaba. ⁷ Uzu bale ugurutœ azœ á tshe sœ dœ soro mbœrœ tœ ye dœ tœ ye gugu nene yé uzu bale á tshe tshu mbœrœ tœ ye dœ tœ ye gugu nene. ⁸ Œdœ a kœsœ dœ soro, a sœ dœ tœnœ mbœrœ Gbozu, yé œdœ á kœtshu, a tshu mbœrœ Gbozu. Atamœ œdœ a kœsœ dœ soro, œdœ á kœtshu, a kœdœ azu nœ Gbozu. ⁹ Gbambanœ nene, Kristu tshu yé Ndjaba she she lœ akuzu adœke tshe dœ Gbozu nœ akuzu œdœ asoro.

¹⁰ Kashe œbœ, mbœrœ gadœ á ɓœ wa ngbanga

pa aya zœ a? Yé œ6œ, mbœœœ gade á 6œ tshene aya zœ a? A ka bala utshu Ndjaba adœœe tshe wa ngbanga pa azœ. ¹¹ Gbambancœ nene, endje sú ala Buku nœ ndjaba adœœe:

Ɔmœ Gbozu nœ soro, mœ pa adœœe:
 azu kœ œ gote ga utshu mœ,
 yé uzu dœ uzu œ pa dœ ama ye adœœe
 œmœ koedœ Ndjaba.

¹² Atamœ uzu dœ uzu ugurutœ azœ œ pa o'o utshu Ndjaba tœ upu nœ ye dœ tœ ye.

¹³ Mbœœœ toencœ ataa, a kate kœewa ngbanga ugurutœ azœ dœ anga azœ. Kashe uzu dœ uzu wa ngbanga 6a tœ lœsu ye adœœe, œne mbœœœ œœœ á mbœœœ adœœe aya œne zaza ada ye tœsho too tshe tete ga lœ ekperœ nene. ¹⁴ Lœ Gbozu Yisu, mœ wusœ nœ adœœe anga rœgo á dœ uburu dœ tœ ye gugu nene. Rœgo sœ kœfa uburu mbœœœ uzu á tshe gbe adœœe œtœncœ koedœ uburu. ¹⁵ Ɔ kœsœ adœœe 6œ sœ kœzi rœgo á sœ kœza oyo fœ aya zœ, œ yindœ kœpa adœœe 6œ mbœmbœœœœœœ zœ liaka kœyindœsho nene. Mbœmbœœœœ adœœe, rœgo ama zœ ndi yanga zœ á Kristu tshu tœ upu nœ ye. ¹⁶ Kaka adœœe, œœœ á 'e wu tœ œtshœncœ tœ ala 'e, zaza awa fœ anga azu kœpa ekpe o'o toencœ nene. ¹⁷ Gbambancœ nene, Ogo gbozu nœ Ndjaba wuwu kœzirœ too kœndjœœœ nene, kashe œ wu kœsœ ndjii, kœsœ gee œdœ pe yanga lœ Ɔtshœ Ɔshiri. ¹⁸ Uzu á tshe sœ kœmbœœœœ akwœ nœ Kristu dœ mara atake, sœ kœza yanga fœ Ndjaba yé azu œ lisœ ye.

¹⁹ Atamœ a para awa kœmbœœœœ œœœ á yi kœsœ gee ga ugurutœ azœ yé á li kœmbœœœœ adœœe a gerœ awa bale lœ kœyindœœœœ. ²⁰ Adja a ndindi

akwa nœ Ndjaba mboerœ o'o nœ kœziroœ nene. A li kœziroœ kɔ kashe œ sœ tœ ekpenœ tœ kœzi anga œroœ á vwa uzu ga lœ ekperœ. ²¹ Œ ga waa adœke bœ vwaratœ zœ tœ kœzi agea, kœndjo ipi, kœvwaratœ zœ tœ œroœ kɔ á mboerœ adœke aya zœ te ga lœ ekperœ. ²² Œneke á bœ gbe adœke œ dœ ekperœ too otshœroœ, œ wu kolœ œbœ dœ Ndjaba nœ zœ. Yanga nœ uzu á gbetshelœ nœ ye sœsœ kœwa ngbanga ga tœ ye nene. ²³ Kashe uzu á tshe zi œroœ á tshe sœ dœ sharapu tœnœ, Ndjaba œ wa œgbɔ ngbanga pa ye. Gbambanœ nene, tshe mboerœ œroœ á sœsœ ga pa kœyindœroœ nœ ye nene. Yé œroœ kɔ á sœsœ ga pa kœyindœroœ nene kœdœ ekperœ.

15

A para awa kœza yanga fœ anga azœ

¹ Azœ á sœ dœ egerœ kœyindœroœ, œ li dœ azœ kœti kane anga azœ á kœyindœroœ nœ endje gegerœ nene yé œ katœ kœmboerœ œroœ á za yanga ko fœ azœ dœ tœ azœ. ² Kaka uzu dœ uzu ugurutœ azœ para awa ndœ kœmboerœ œroœ á za yanga fœ mashenga mboerœ otshœroœ nœ ye. Lœ awanœ ataa, œ ti kane ye yé œ mboerœ adœke kœyindœroœ nœ ye gerœ. ³ Gbambanœ nene, Kristu mboembœroœ lima kolœ œroœ á za yanga fœ she dœ tœ ye nene. Bata endje sú ala Buku nœ Ndjaba adœke: «Kœegu osho á endje gu lima bœ, yo ga pa mœ.» ⁴ O'o kɔ á endje sú ala Buku nœ Ndjaba, endje sú mboerœ kœyisœroœ fœ azœ. Gbambanœ nene, œ ti kane azœ adœke a sœ dœ ugu lœsu, dœ kœru lœsu yé á kœwuta dœ kœko lœsu azœ ga tœ

Ndjaba. ⁵ Kaka Ndjaba á tshe za ugu l̥su œdœ pe kœto gb̥gb̥ m̥bœrœ adœke 'e sœ dœ gbetshelœ bale ɓata á Yisu Kristu yisœ nœ fœ azœ. ⁶ Atamœ dœ l̥su bale œdœ ama bale, 'e donga Ndjaba á tshe dœé Aba Gbozu nœ azœ dœ Yisu Kristu.

'Eyindœtœ 'e

⁷ Atamœ 'e za osho kœsœ ugurutœ 'e dœ anga 'e ɓata á Kristu za osho kœsœ fœ 'e m̥bœrœ mok̥ nœ Ndjaba. ⁸ Mœ sœ kœpa fœ 'e dœ adjapu adœke, Kristu te lima ayi akwa nœ Ayuda liaka o'o á Ndjaba pa lima tœncœ utshuncœ fœ aata endje. Tshe ma adœke Ndjaba yayapa o'o ama ye nene. ⁹ Tshe na ndje adœke angbi azu donga ndje Ndjaba m̥bœrœ ɔtsh̥ l̥su nœ ye ɓata á endje sú ala Buku nœ Ndjaba adœke:

«M̥bœrœ tœncœ ataa mœ donga ɓœ ugurutœ angbi azu yé œ ɓi itshi fœ ɓœ.»

¹⁰ Endje su ndje adœke:

«'E dœ angbi azu, 'e sœ dœ yanga awa bale dœ azu á Ndjaba ke endje!»

¹¹ Endje kpa su ndje lima adœke:

«'E dœ angbi azu, 'e donga Gbozu, 'e ɓi itshi fœ she, 'e dœé azu para k̥k̥!»

¹² Isaya pa ndje lima adœke:

«Anga ata Yese œ wuta, tshe sœ gbozu tshapa angbi azu, endje ko l̥su endje ga pa ye.»

¹³ Kaka adœke Ndjaba á tshe m̥bœrœ adœke azu za l̥su endje ga pa ye, m̥bœrœ adœke l̥su 'e su dœ yanga œdœ kœsœ gee, m̥bœrœ kœyindœrœ nœ 'e

ga ndœ ye. Ɔtshɔ Ishiri za gbɔgbɔ fœ 'e adœke 'e za losu 'e djigi fœ Ndjaba.

Polo, ayi akwa nœ Kristu

¹⁴ Aaya mœ, mœ wusœ nœ adœke 'e dœ azu nœ ɔtshɔ losu. 'E wu ndje sœ œrœ kɔ á sœ adœke 'e wusœ nœ, yé 'e li kœmi upu ugurutœ 'e dœ tœ 'e. ¹⁵ Yé mœ su anga o'o ala mbetinœ asœke ngbewo fœ 'e adœke 'e kpa gbe dœ o'o á endje yi lima sœ nœ fœ 'e kane. Mœ su œneke kolœ mbœrœ ɔtshɔ losu á Ndjaba za fœ mœ, ¹⁶ adœke mœ te ayi akwa nœ Yisu Kristu mbœrœ angbi azu. Ɔshe dá za akwa nœ kœyisœ Ɔtshɔ O'o nœ Ndjaba tœ nganga Ndjaba adœke angbi azu wuta ɔtshɔ makabo á wuta yerœ lœ awa nœ Ɔtshɔ Ishiri adœke œ ga tœ ala Ndjaba. ¹⁷ Lœ kœngbɔtœ mœ dœ Kristu, mœ sœ kœdu okoro mœ tœ akwanœ á mœ sœ kœmbœrœ fœ Ndjaba. ¹⁸ Atamœ œdœ mœ kœyindœ kœpa o'o tœ anga œrœ, mœ pa kolœ tœ œrœ á Kristu mbœrœ lœ awa nœ mœ adœke angbi azu wuta kœdji Ndjaba. Tshe mbœrœ lœ awa nœ o'o œdœ akwa, ¹⁹ dœ gbɔgbɔ nœ ambárá afá, dœ gbɔgbɔ nœ Ishiri. Ataa, kœto lœ Yerusaleme œrr ga lœ ogo Iliri, mœ mindœ Ɔtshɔ O'o nœ Kristu tœ osho kɔ. ²⁰ Kashe mœ yi lima ndœ kœmindœ Ɔtshɔ O'onœ kotœ osho á azu djidji damba i'iri Kristu nene. Mœ mbœrœ atamœ mbœrœ á mœ yiyindœ kœsœ b̄ata uzu á tshe m̄ anda nœ ye ga pa kiti anda á yanganœ m̄ nene. ²¹ Ataa, mœ gbe dœ œneke á endje sú ala Buku nœ Ndjaba adœke:
«Azu neke á endje yiyisœ œrœ fœ endje nene tœ upu nœ ye,
endje wu she.

Endjeneke á endje djidji lima o'o nene tœ upu nœ
ye,
endje dji.»

Polo gbe kœna ga lœ Roma

²² Cœtœnce kœdœ œrœ á kundœ mœ awa ndjoro
tœ kœna ga ndœ 'e. ²³ Yé ngŏngŏ asœ akwa nœ
mœ lœ ogo 6a ke ka ye. Yé ungu ndjoro ro, mœ
sœ dœ ogo kœna ga ndœ 'e, ²⁴ mœ gbe adœke
ɔɔ á mœ za awa kœro ga lœ Espane dá mœ ro
tɔ tshandœ 'e yé mœ gbe kœgbɔ kœti kane nœ 'e
mbœrœ ananœ asœmœ. Yé œtœnce manda yanga
nœ kœwutœ azœ dœ 'e. ²⁵ Kashe ngŏngŏ asœ,
mœ sœ kœro damba ga lœ Yerusaleme mbœrœ
kœti kane ayerœ azu nœ Ndjaba: ²⁶ gbambanœ
nene, aaya azœ lœ Masedwane œdœ endjeneke
lœ Akayi gbe lima ndœ kœrɔ makabo mbœrœ azu
nœ Ndjaba 6a lœ Yerusaleme á endje sœ lœ oyo.
²⁷ Endje dœ tœ endje yi lima ndœ kœmbœrœ ataa.
Kashe dœ adjapu, endje sœ dœ kudá nœ Ayuda.
Gbambanœ nene, akristu Ayuda kuru lima tshelœ
ɔtshœrœ nœ ishiri nœ endje dœ endjeneke á endje
dœdœ Ayuda nene. Mbœrœ tœnce ataa, endje
ti ndje kane Ayuda dœ œrœ á dœdœ œnce ishiri
nene, á endje sœ dœ oyonœ. ²⁸ Lɔkɔ á mœ kœko
œrcœnce fœ endje dá akwanœ ka ye, yé mœ tara ga
lœ Espane dœ kœro tɔ tshandœ 'e. ²⁹ Yé mœ wusœ
nœ adœke ɔɔ á mœ wuta ga ndœ 'e, mœ na dœ
ɔtshœrœ nœ Kristu ndjoro fœ 'e.

³⁰ Kashe aaya, 'e wu œeneke á mœ sœ kœ'eshondœ
nœ lœ Gbozu nœ azœ dœ Yisu Kristu œdœ lœ
kœyindoesho á ɔtshɔ Ishiri œ za adœke 'e nga koshe
awa bale dœ mœ tœ kœza avwala fœ Ndjaba tœ

upu nœ mœ. ³¹ 'E za avwala adœeke Ayuda á endje vwaratœ endje tœ Kristu mbœmbœrœ ekperœ ga tœ mœ nene yé ayindœ Yisu lœ Yerusaleme yindœ kœti kane oshonœ á mœ sœ kœna dœ tœnœ fœ endje dœ ɔtshœnœ. ³² Atamœ œdœ Ndjaba kœyindœ nœ, mœ wuta ɓa ndœ 'e dœ egerœ yanga ndœ kœyatœ mœ teasho ugurutœ 'e. ³³ Kaka adœeke Ndjaba á tshe za kœsœ gee fœ azu sœ dœ 'e para kœkœ! Ame.

16

Abala

¹ Mœ yindœ kœyisœ Foebe á tshe dœ yingœ azœ lœ kœyindœrœ, á tshe sœ kœmbœrœ akwa lœ Ikrizia ɓa lakpi Sakre fœ 'e adœeke 'e wusœ ye. ² 'E za osho kœsœ fœ she dœ i'iri Gbozu liaka œneke á ayerœ azu œ mbœrœ. 'E ti kane ye lœ œrœ kœ á tshe sœ dœ ogonœ ɓa ndœ 'e. Gbambanœ nene, tshe ti kane azu waa œdœ pe ndje mœ.

³ 'E bala Prisika œdœ Akilase á endje dœ anga mœ lœ akwa nœ Yisu Kristu. ⁴ Œ sœpe lima teasho adœeke endje tshu mbœrœ kœshe mœ, yé œ dœdœ kolœ mœ dá za mershe fœ endje nene kashe Ikrizia kœ lœ tshapashœ nœ angbi azu gi ndje mershe fœ endje. ⁵ 'E za abala nœ mœ fœ Ikrizia á sœ kœngbœɓatœ ye ɓa lœ anda nœ endje. 'E za ndje abala fœ yanga mœ dœ Epayinete á tshe kœdœ ali uzu kœyindœ Kristu ɓa lœ ogo Azi. ⁶ 'E za abala fœ Mareya á tshe za lima tœ ye ti djigi mbœrœ 'e asœmœ. ⁷ 'E za abala fœ Andronikuse œdœ Juniyase á endje kœdœ ayo mœ œdœ anga mœ á a li lima kána dœ endje awa bale. Endje

wuta azu nœ Kristu utshu mœ, yé endje dœ aayi avwa á œsœ endje li.

⁸ 'E za abala fœ Aplyatuse á mœ yindœ ye waa lœ Gbozu. ⁹ 'E za abala fœ Urbe á tshe koedœ yanga azœ lœ ma akwa nœ Kristu, œdœ pe Stakisi á mœ yindœ ye waa. ¹⁰ 'E za abala fœ Apelese á tshe má lima tœ ye adœke œne yindœ Kristu waa. 'E za abala fœ azu kœ lœ anda nœ Aristobile. ¹¹ 'E za abala fœ Erodiyone, á tshe koedœ uzu lœ bingî nœ mœ. 'E za abala fœ azu kœ lœ anda nœ Narsise á endje sœ lœ Gbozu. ¹² 'E za abala fœ Trifene œdœ Trifose. Endje koedœ ayashe á endje zatœ endje ga tœ akwa nœ Gbozu, œdœ Pereside á tshe mbœrœ akwa waa mbœrœ she. ¹³ 'E za abala fœ Rufusi á Gbozu ke she, œ bala pe ayince á tshe dœ ndje ayi mœ. ¹⁴ 'E za abala fœ Asikrite, Flegœne, Ermese, Patrobase, Ermase œdœ pe aaya á endje sœ awa bale dœ endje. ¹⁵ 'E za abala fœ Filologe, dœ Juliyuse, Nere dœ yingœnœ, Olipase œdœ ndje ayerœ azu kœ á endje sœ awa bale dœ endje. ¹⁶ 'E za œyerœ abala ugurutœ 'e. Azu Ikrizia nœ Kristu para kœkœ vwa abala nœ endje fœ 'e.

¹⁷ Aaya, mœ pa fœ 'e adœke, ala 'e gbœ tœ azu á endje œ kurutshelœ azu yé á ndi kœyindœrœ nœ anga endje. Endje sœ kœvwaratœ endje tœ kœyisœrœ á endje gbœ lima utshunœ; 'e kpa awa endje. ¹⁸ Gbambanœ nene mara azu atamœ, sœsœ kœembœrœ akwa fœ Kristu nene, kashe endje sœ kœegbe kolœ dœ uvu endje. Endje sœ kœendi tshelœ œkœrœ azu á endje wuwusœ œrœ nene dœ o'o nœ wala. ¹⁹ Azu para kœkœ wusœ mara á 'e sœ tœ kœdji Gbozu yé mœ sœ dœ yanga mbœrœ 'e, kashe mœ yindœ nœ adœke 'e sœ dœ kœwusœtœ á kœembœrœ

ɔtshɔrɔe, yé œ sœsœ dœ uburu nene á kœkpa awa ekperœ. ²⁰ Œ sœpe teasho adœke Ndjaba á tshe za kœsœ gee fœ azu zuru tshelœ Satana ga tshada 'e.

Kaka adœke ɔtshɔ lɔsu nœ Gbozu nœ azœ dœ Yisu sœ dœ 'e.

²¹ Timote á tshe kœdœ yanga mœ lœ akwa nœ Gbozu dœ Lukiyuse, dœ Jasone, dœ Sosipatrose á endje kɔ kœdœ azu bingi nœ mœ vwa abala fœ 'e. ²² Œmœ Tertiyuse, á mœ su o'o ama Polo fœ 'e asœke, mœ za abala ndje fœ 'e lœ Gbozu.

²³ Gayushi á mœ lo lœ anda nœ ye œdœ aayi kœyindœrœnce á endje ngbɔɔatœ endje ɔa ndœ ye bala 'e. Eraste ayi kœgbœndœ ngendja lakpi asœke, dœ aya azœ dœ Kwartuse vwa abala fœ 'e.

[²⁴ Kaka adœke ɔtshɔ lɔsu nœ Gbozu nœ azœ dœ Yisu Kristu sœ dœ 'e kɔ! Ame*.]

A donga Ndjaba

²⁵ A donga Ndjaba mbœrœ á tshe sœ dœ gbɔgbɔ nœ kœmbœrœ adœke a gerœ lœ kœyindœrœ nœ azœ liaka ɔtshɔ O'o nœ Yisu Kristu á mœ mi lima ndœ nœ. ɔtshɔ O'onœ kœdœ avwanœ á Ndjaba za ɔalima yiwa tœnce katshatsha. ²⁶ Kashe ngɔngɔ asœke, œneke á za lima tœ ye yiwa tœnce, endje va ɔtœnce ngbi lœ awa nœ mbeti nœ aayi kœgbara o'o liaka o'o ama Ndjaba á tshe sœ waa dœ waa; tshe mbœrœ adœke angbi azu para kœkɔ wusœ nœ á kœsœ dœ kœyindœrœ ga ndœ ye yé œ lisœ ye.

²⁷ Kaka endje donga Ndjaba á tshe dœ Uzu kœwusœtœ tshebale lœ Yisu Kristu waa dœ waa! Ame.

* **16.24** 16.24 Uwu o'o á endje sú asœke gugu ala anga ongoro mbeti nene.

TAF0 AYO
The New Testament in the Manumanaw languieg of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2020-11-19

PDF generated using Haiola and XeLaTeX on 13 Jul 2024 from source files
dated 12 Feb 2024

40e3c5cb-c2ea-5cf8-8a40-4c6f77a45343